



EX MUNIFICENTIA
FERDINANDI III. M. E. D.
DIE 3. JUNII 1791.

9-2.100

9.2.100




V N G A R I A
S E M P E R L I B E R A,
S V I Q V E I V R I S,
N V N Q V A M V E L P R I N C I P I, V E L G E N T I
E T
A L I C V I E X T E R N A E, O B N O X I A.
Q V O D,
E X G E N V I N I S L I T T E R A R V M M O N V M E N T I S
E R V E R E,
E T
Q V A E I N C O N T R A R I V M A D D V C V N T V R,
E X A M I N A R E C O N F V T A R E Q V E S T V D V I T
I O S E P H V S B E N C Z V R.



V I N D O B O N A E,
S V M T I E V S E M E R I C I F E L I C I S B A D E R I
M. D C C. L X I V.







LECTVRIS SALVTEM.

Inter decora gentis Vngaricae, id, lector beneuole, retuleris, quod ita feliciter libertatem suam sit tuita hucdum, vt numquam imperium dominationem alicuius Principis gentisque externae admiserit. Et hanc quidem praerogatiuam, tanti semper fecerunt Vngari, vt quotiescunque ea fuerat defendenda vindicandaque, summo id fecerint conatu conten-

tionemque. Qualem se, hac in re, magnus Vn-
gariae rex MATTHIAS CORVINVS praestiterit,
id Illustrissimus Comes PETRVS de REVA de
monarchia & s. Corona Regni Hungariae Cen-
tura I. ostendit omnium clarissime. *Licet*, in-
quit, *non desint, qui scribant, temporibus Ot-*
tonis, exterorum principum electores immemores
non fuisse; sed constitutum, ut Imperator, per
solos Germanos procures, una cum quibusdam
Pannoniae & Hungariae Principibus, eligeretur.
Sed scripti istius veritas non apparet. Re-
ges sane Hungariae, ut nihil de principibus Ger-
maniae, numquam dignitatem hanc, respectu
regni Hungarici usurpauere: certum tamen est,
D. illum MATTHIAM regem Hungariae, ob reg-
num Bobemiae, ad se delatum, gloriae suae du-
xisse,

*xisse, summo Germanicae monarchiae electorum
consistorio adscribi, usurpasseque in litteris ad
electores, id nomen, quod apparet, ex responso
ad litteras imperiales, Norimberga datas, anno,
supra millesimum quadringentesimo octogesimo
primo, in verbis: quod scribitur nobis, CAE-
SAREM FRIDERICVM esse nostrum dominum, &
nos ei esse alte obstrictos: credimus, neminem
esse ex sacro Romano Imperio, qui nesciat, nos,
sibi, de regno Bobemiae & electoratu tantum, &
non de alio esse obligatos; quem certe nos, de
regno Bobemiae, tanquam superiorem & domi-
num recognoscimus, & ita semper observabimus,
ut nemo inficiari possit, nos, de eo regno, in
ullovmquam maiestatem suam offendisse; verum,
ex hoc regno Hungariae, quod semper liberum*

extitit, &, nihil umquam cum Imperio commune habuit. Quamvis ratione dignitatis, superiorem esse Caesarem censeamus, ratione tamen domini, pares nos illi arbitramur.

Alias tamen de his iudicant, libertatis, quam hic defendo, oppugnatores, in primis, qui res sacri Romani Germanici imperii in commentaria retulerunt. Plerique omnes, aduersus Comitem hunc, eruditione, meritorumque magnitudine illustrem, insurgunt, eumque, amorem patriae, veritati anteposuisse scribunt satis audacter. Forte, non infeliciter, ex genuinis monumentis litterarum probatum do, iniurios esse, in manes tanti Comitum, gentemque Vngaricam, hos, & omnes, qui, extraneis principibus, aliquid potestatis, in regnum

Vngariae deferunt. Opera haec, quantacum-
que est, eo minus reprehensione digna esse vi-
detur, quod, nonnulli eruditi, defensione
domesticae libertatis, apud alias gentes, lau-
dem sibi comparauerint existimationemque.
Suffecerit in praesens nominare MARTINVM
CHEMNITIVM Cancellar. Holsaticum, qui in
Bericht und Unterschied der beyden Herzogthu-
me Schleswig und Hollstein, cet. Danicas,
IOAN PETRVM de HOHENRAD, seu LVDWIG,
im vertheidigten Preußen, Prussicas, IOANNEM
SCHVLZIVM, in tractatu de Polonia numquam
tributaria, Polonicas ditiones semper liberas
suique iuris fuisse, euincere volebant. Ro-
gandus es vltimo, beneuole lector, vt par-
cas, quod subinde recondita aliqua & abstru-
sa,

fa, quae ad praefens argumentum parum videntur pertinere, adtigerim examinauerimque. Feci id propterea, vt viros eruditione claros, ad eas res patrias, quae adhuc obscuritate laborant, eruendas excitarem. Iam, lector beneuole, vale, & si quid tibi displicuerit, mone, meque, ad res Vngaricas curatius perspicendas, adspirantem, meliora doce.





PROLEGOMENA.

§. I.



Vngariam, semper liberam, sui que iuris fuisse, dum dico, id volo, regem, gentemque Vngaricam, his in terris, nullum umquam habuisse superiorem. Dominium, quod, iuris feudalis doctores, utile vocant, nemo umquam genti nostrae fecit dubium; directum vero, iuris publici, feudalis, & historiarum Magistri, mox summo Pontifici Romano, mox Imperatoribus Romanis, Regibusque Germaniae, mox Turcarum Principi, adtribuere non dubitarunt.

§. II.

Aberrare hos a vero, nemo non concesserit, si euictum dederō, Reges Vngariae, in fidem & clientelam,

A

ex-



externi alicuius Principis, nec, ordinibus adficientibus, se contulisse aliquando, nec se potuisse conferre.

§. III.

Quid ad alienationem potestatis illius, quam domini directi oculis, exprimere solemus, requiratur, & quis eandem possit praestare legitime, illis iam notum erit, qui iuris naturae ac gentium praecepta, primoribus attigerunt labris. Concedent illi nobis ultra, non quemuis id facere posse principem, nec omnem illum, qui solus iura omnia, quibus Maiestas, in ciuitate, absoluitur, gaudet, eademque exercet; sed, eum nonnisi, qui, eam, suam in ciuitatem, habet potestatem, quam quiuis dominus, suam in proprietatem (a). Haec, si vera sunt, vti omnino vera esse, quiuis facile concedet: prono hinc sequitur alueo, eum non nisi principem, iure hoc pollere, qui regnum, quod patrimoniale vocare placuit, possidet (b). Qui tali destituitur potesta-

a) Ita iudicat princeps doctorum iuris naturae & gentium Hugo Grotius in iure belli & pacis, Lib. II. cap. 6. §. 3. sicut autem res aliae, ita & imperia alienari possunt, ab eo, cuius in dominio vere sunt. Idem, loco cit. Lib. III. cap. 20. §. 5. Ergo, ut imperium totum valde transeat, populi totius consensu opus est, qui expediri potest, per partium legatos, quod ordinis vocant, cet. Eadem deprehendes, apud Samuelem Puffendorff in iure belli & pacis Lib. VII. cap. 7. §. 11.

b) Grotius l. cit. Lib. II. cap. 6. §. 3. A rege (imperium potest alienari), si imperium in patrimonio habeat. Idem, l. c. Lib. III. cap. 20. §. 5. At, in regnis patrimonialibus, quo minus rex regnum alienet, nihil impedit, cet. Puffendorff l. c. Lib. VII. cap. 7. §. 11.

testate, ille, quidquid in alium principem gentemque, citra ordinum consensum, transfert, id nullius solet esse efficacitatis (c).

§. IV.

Reges Vngariae, prisca iam aetate, summam tenuisse potestatem, non negauero (d). Fuisse tamen regnum hoc Apostolicum, in patrimonio, eorum vni-

A 2

quam

- e) *Grotius l. c. Lib. II. cap. 6. §. 3. & §. 9. Quare videmus a pluribus populis irritas habitas, ut alienationes, ita infeudationes regnorum, quas, populis inconsultis, reges fecerunt, cet. Eadem praecipunt doctores iuris feudalis. Joan. Schilterus in instit. iur. feud. Cap. IV. §. 3. Illustrari haec possunt ex historia Anglicana. Ioannes rex, quem, sine terra, cognominare placuit, concesserat, anno 1213. in fidem clientelamque Innocentii IV. Pontificis; quia tamen, ordines regni alienationem hanc improbabant, nihil potestatis in Anglicanam ciuitatem, ausus est sibi summus Pontifex adtribuere. Tabellas publicas, in quas relata est haec pactio, exhibet Matthaeus Parisiensis in bist. maiori ad b. an. conf. Thomas Wikes ad an. 1213. seq.*
- d) Omnium clarissime hoc ostendere videtur Otto Frisingensis de gestis rebus Friderici I. Imperat. Lib. 1. cap. 31. omnes (Vngari) sic Principi suo obsequuntur, et unusquisque, ne dicam manifestis illum contradictionibus exasperare, sed & occultis susurris lacerare nefas arbitretur. Et paucis interiectis, ita: nulla accusato licentia excusandi datur, sed sola principis voluntas, apud omnes, pro ratione habeatur. cet. Iuuabit tamen cum his conferre, quae S. Stephanus filio suo Emerico decretor. Lib. 1. cap. 4. seq. sapienter inculcat.



quam, nemo, quantum recorder, hucdum ausus est adseuerare. Ignorat Europa, quae Christi non ritu DEUM colit, regna eiusmodi, existimatque ea, fini ciuitatis aduersa esse quam maxime (e).

§. V.

Haec praemittenda erant, ut euictum dare possemus, nullum regem Vngariae, regnum hoc apostolicum, quod potentia, opibus & magnificentia, usque ad saeculi XV. exitum, palmam omnibus Europae regnis duriam faciebat (f), lege fiduciaria, accepisse tenuisseque. Quibus

e) Tironibus iuris publici atque gentium constabit, non omnem illum principem, qui absoluta gaudet potestate, patrimoniale habere regnum. Legas Grotium l. c. & Puffend. l. c. Lib. VII. cap. 7. §. 11. seq.

f) Pertinebant enim, ad illud, regna prouinciaeque validissimae, utpote Transilvania, Croatia, Dalmatia, Slavonia, Seruia, Bosnia, Bulgaria, Moldauia, Valachia, Halicia & Vlodomeria. Hac ex ratione, Gregor. X. Pontifex in litteris suis, ad ordines regni Vngariae datis, regnum Vngariae magnificum & famosum vocat, apud Hergott. volum. 3. Geneal. dipl. gentis Habsburg. T. II. P. II. p. 482. Eadem etiam de causa Turcarum princeps, legato regis Vngariae, primum in congressibus publicis, locum concedendum, Galliaeque legatum, post eundem, collocandum esse existimabat. Enarrat rem memorabilem Istuanfius in historia Hungariae Lib. 23. p. 557. Galliae regis legatus Germinius Germolbeus, secundo loco, post Caesaris legatos, spectare iussus, quem se quidem Prainerio Romani Imperatoris legato cessurum dixisset, sic, ut Nyario, & aliis, qui non Caesaris, sed Vngariae Regis nomine adessent, praeferretur, deinde, ut Stephani Polo-

bus contrarium praecipere placet, illi, vel, summi Pontificis Romani, vel Augusti Romanorum Imperatoris, Regisque Germaniae, vel Turcarum principis, clientes fuisse rectores Vngariae, sibi, aliisque persuadere volunt contentione animi viriumque vehementissima. Lustrabimus animo argumenta, quibus id probatum dare volunt, doctores de re litteraria optime meriti, quamue parum in iis esse momenti existimemus, pace eorum, ostendere apertius adnitemur. Certe, longe felicius, hoc in argumento, discutiendo versabimur, quam iniquus ille Vngaricae libertatis oppugnator Joan. Petrus de Ludwig, qui, magno eruditionis adparatu, ostendere voluit, nihil sacro Romano Germanico imperio iuris vmquam in Prussiam competiisse (g).

A 3

§. 6.

Poloniae regis orator, quem Henricus, prius rite apud Polonos, coronatus, nequaquam pro rege agnosceret, excluderetur, alteratione, ad Sinanum delata, qui tunc purpuratorum, ac consilii Sultanici princeps erat, ita diremta est, ut Henricum vnus Galliae regni, clari quidem baud dubie & opulenti, regem esse, pronunciaret, verum Vngariae Regem, qui olim Dalmatiae, Croatiae, Slauoniae, Bosnaeque & Bulgariae regna cum vtriusque Valachiae & Transilvaniae prouinciis tenuisset, ac a Ponte Polemoniaco, ad mare usque Adriaticum imperium extensis, iure praeferrere posse, cet. Quam inclitum celebrequae Vngariae regnum, ineunte saeculo XII. fuerit, ex sequenti Cosmae Pragensis in Chronico eius, ad an. 1116. discas testimonio: Vngara gens, viribus ingens, opibus pollens, armis bellicis praepotens, & cum quouis rege terrarum pugnare sufficiens. cet.

g) Excutias scripta eius, & de Prussia quidem, eiusq
liber-

§. VI.

Quamdiu Vngari duces habebant, ea in regione, in qua praecipite IX. saeculo, sedem de fixerant stabilem, quaeue, ab eis, Vngaria est denominata; tamdiu sui eos iuris fuisse, extraneorumque dominationem ignorauisse, quiuis facile nobis largietur. Comparauit sibi potestatem summam, apud gentem suam, Arpadus Almi filius, propagauitque in propaginem suam feliciter. Iam certe, hac aetate, iure haereditario, maiestatem, ad gentem Almi pertinuisse, existimo (b); ita tamen, ut summam ordines, ad eum regii sanguinis Principem, qui, praeter reliquis, tanto honore dignus esse iudicabatur, transferre potuerint (i). Haec, vtut sint comparata, facile

libertate, in primis das rechtliche Bedenken von der souverainität der Preussischen Lande, gegen dem deutschen Reich in consil. Halens. T. II. Lib. II. num. 4. item, das vertheidigte Preußen gegen den Anspruch des deutschen Ordens.

- b) Colligo hoc, ex sequentibus *Anonymi Belae Regis Notarii*, in collect. Schuandneriana T. I. cap. 5. verbis: libera voluntate & communi consensu, septem virorum (capitaneos vocant nostri) elegerunt sibi (Vngari) ducem ac praeceptorem, in filios filiorum suorum, usque ad ultimam generationem Almum (Arpadum potius) cet. Videtur hoc non obscure iam Constantin. Porphyrog. de administrando imperio, cap. 38. expressisse: & ante hunc Arpadem, Turcare principem alium nullum vnquam habuerunt, ex cuius (Arpadi) posteris, ad hunc usque diem princeps Turcia (Vngariae) constituitur.
- i) Patet id ex ordine successionis, & compluribus diplomatibus decretisque Vngaricis. Ab aetate S. Stephani, vsque

cile tamen quisque nobis concesserit, duces Vngariae, vsque ad Geyfam S. Stephani patrem, maiestatem imperii

vsque ad Andreae III. exitum, reges, nostri, habebant domesticos, regioque satis sanguine, Petrum & Abbam, si exceperis, quorum posterior quidem Vngarus, prior Germanus erat, uterque tamen propterea Rex renunciatus, quod cognati fuerint S. Stephani Vngariae Regis. Cognati propiores, remotioribus non cognatis tantum, sed agnatis etiam, interdum anteponi solebant, id quod aliquot comprobari potest exemplis. Haereditarium vero fuisse regnum hoc, ex diplomaticibus regum etiam elucet, Ladislaus Cumanus, in diplomate, quod P. Carol. Peterffy in S. concic. eccles. Rom. Cathol. in regno Hungariae p. 92. seq. recitat, haec commemorat: in ipso (S. Stephano) orthodoxae fidei, diuina adflante clementia, sacrum redoleuit unguentum, in ipso alluione coelestis gratiae pullulante, una cum reliquis sanctissimis regibus Hungariae claro germine descendantibus, ab eo regni gubernaculum suscipimus & coronam. Aliud instrumentum anno 1308. adornatum, quod Peterffy p. 145. sq. adducit, haec habet: quod etiam perpetuis futuris temporibus, veri summi Pontifices, & ipsa Romana ecclesia habeant ius confirmandi & coronandi reges Vngariae, de vera regali progenie propagatos, quos ipsi unanimiter & concorditer de dicta progenie ducerent eligendos. Ostendi id potest etiam ex decretis Regum Vngariae. In decretis Alberti Regis Artic. 12. ita habet: quod dispositio, pro Serenissima Principe, Domina Elisabetha regina, & eius status honoris conseruatione, ex quo est haeres butus regni fiat ubicunque vult in regno. Et artic. 20. de maritatione filiarum nostrarum agens cum consilio Praelatorum & Baronum ac Nobilium regni nostri Vngariae, nec oon cognatorum ac proximorum atque subditorum regnorum



perii Vngarici aduersus omnes vicinos principes gentesque, defendisse conseruassequē strenue (k). Cum jam ergo ostendendum sit, Vngaros, libertatem hanc, semper sartam tectamque retinuisse, &, sine fundamento, aliquid potestatis, in eos, extraneis principibus adtribui: a summo sacrorum Romanorum Catholicorum antistite scribendi faciemus primordia.

C A P V T I.

QVO OSTENTITVR REGEM VNGARIAE SVMMI PONTIFICIS ROMANORVM NVMQVAM FVISSE CLIENTEM.

§. I.

Qui summo Pontifici Romanorum imperii Vngarici partes aliquas adtribuunt, ortum illius cunabulaque, ad aetatem Syluestri II. referunt. Tradunt plerique omnes scriptores, ineunte XI. saeculo, Pontifice

ac ducatum nostrorum. Cur haec in comitiis sunt decreta, si successorem Regi pro arbitrio dare poterant ordines regni?

- k) Elucet id omnium euidentissime ex Aloldo de Peklarn, cui maxima his in rebus fides est tribuenda. Ita is in notulis anecdotis apud Fr. Ortilionem ad an. 955. Qua contritione, ita defecit Hunnorum temeritas, ut numquam amplius in Germaniam auderent redire. Sed tamen Osterriciam eis proximam nequaquam in pace esse sinebant, donec eorum dux, quem Vrzum appellabant, superesset. Conf. ea quoque, quae ad an. 472. commemorat.

fice hoc summam sacrorum imperiorum tenente, S. Stephanum commutatis regiis, cum iis, quos maiores eius sustinebant, honoribus, coronam, Roma, per oratores, quos ad principem hanc urbem miserat, expetiisse, & ex singulari prorsus summi Antistitis liberalitate, consecutum esse (1). Tantam ad munificentiam, prouocatus esse dicitur Syluester, insigni pietate noui regis, quippe qui in fidem summi Romanorum Pontificis, se conferre, seque regnum, posteritatemque, eidem commendare non dubitabat. Volunt id dare probatum, cum ex aliis monumentis litterariis, tum in primis ex litteris Pontificis huius, quibus regnum Apostolicum, sancto Stephano, heredibusque, & successoribus, certis legibus, tradit. Protraxit eas primus in lucem, ex tabulatio Traguriensi, Antonius Verantius Archiepiscopus Stri-

- 1) Examinarunt haec curatius, post Illustrissimum Comitem Petrum de Reua, in commentar. de sacra corona regni Hungariae, apud Schovandnerum in collect. Script. rer. Vngar. T. II. p. 438. Martin. Schmeizel in commentar. de clonidis regni Hungariae apud Schovandn. l. c. p. 491. Godofredus Schwarz dissertat. de initiis religionis Christianae inter Hungaros ecclesiae orientali adfertis, Halae Saxon. 1740. Huius argumenta confutarunt egregie P. Ioannes Stilling e soc. Iesu, in actis Sanctorum ad diem secundam mensis Septembris in vita S. Stephani regis, Illustris Dominus Adam. Franc. Kollar. in historia diplomatica iuris Patronatus Apostolicorum Hungariae regum Lib. I. cap. I. seq. Reuer. P. Georg. Pray in annal. vet. Hunnorum, Auarum. cet. P. III. Lib. II. p. 395. P. Joseph. Innocent. Desericius de initiis ac maioribus Hungarorum T. IV. Lib. V. P. III. cap. X. p. 255. seq.

Strigonienſis, & ſaeculo ad huc XVI. publici iuris fecit (*m*).

§. II.

Si eorum opinatio probabilis eſſet, qui euictum dare volebant, initia rei ſacrae Chriſtianae, in Vngaria ad coetum Graecum eſſe referenda, facile, quidquid, de hac ſancti regis liberalitate, commemorant eruditi, conuelli poſſet. Notum enim eſt, omnes Pontifices Romanos, qui ſibi non nihil iuris in ciuitatem Vngaricam maiestatemque vindicabant, ad ſollemnem hanc ſe prouocaſſe pactionem. Negandum ſcilicet eſſet, S. Stephanum, coronam vnam, ſeu a Sylueſtro, ſeu ab alio aliquo Pontifice expetiſſe, hunc vero non nihil in Vngariam iuris ſibi vindicaſſe. Auſus eſt id, noſtra aetate, facere Godofred. Schwarz, multaque cura oſtendere adlaborabat, tabellas, quarum Sylueſter dicitur eſſe auctor, non eſſe genuinas (*n*). Sed confutarunt argumenta eius viri nonnulli eruditi, oſtenderuntque ſolide, Latinorum, non Graecorum induſtria laudabili, a foedo idolorum cultu, Vngaros eſſe abductos (*o*). Eui-

cerunt,

m) Vide eas apud ſcriptores Vngaricos paſſim, in primis in *Collect. Schwandn. in notis ad C. Petri de Reua, comment. de corona regni Hung. l. cit. p. 438. & Illuſtr. Kollar l. c. Lib. I. Cap. 9. p. 46.*

n) Legas ſi placet, diſſert. eius de initiis relig. Chriſtianae §. 1. lit. a adductam.

o) Primus, qui ex inſtituto, aduerſus virum hunc eruditum egit, eſt P. Stilling, poſt hunc, memorandi ſunt

Adam

cerunt, primum gentis nostrae regum, a nullo alio, quam Syluestro Pontifice, impetrasse diadema (p).

§. III.

Si rationes, quas Schwarzio viri hi opposuerunt, commemorarem, repeteremque, vix facerem pretium operae.

B 2

Adam Franc. Kollar, Georg. Pray, Jos. Innoc. Deserici loc. cit. & P. Carol. Peterffy in sacris conciliis ecclesiae Romano Cathol. in regno Hungariae celebratis, T. I. passim. Vestigia cultus, quem, Vngari, confectis numinibus olim deferebant, in decretis regum Vngariae deprehendes. Decret. S. Ladisl. Lib. I. c. 22. quicumque, ritu gentilitum iuxta puteos, sacrificauerint, vel, ad arbores, & fontes, & lapides obtulerint, reatum suum boue luant. Decret. Andr. I. profanas & Scythicas caeremonias, falsosque Deos abrogarent, & simulacra demolirentur.

- p) Ante Stephanum I. duces, quos Vngari habebant, regia destituebantur corona. Quae Constantinopolitana ex vrbe adlata est, ad Gylam, Transilvaniae administratorem pertinebat, non totius gentis Vngaricae rectorem. Si quid momenti argumenta Schwarzii habent, non plus probant, quam, quod Graeci quoque, in limitibus sui imperii, in primis Transilvania, rem sacram Christianam voluerint propagare. Quam tamen parum profecerint, patet ex eo, quod aetate S. Stephani, Transilvani, vi debuerint impelli ad auitam superstitionem abiiciendam. Auctor *Annal. Hildesb. ad an. 1003.* Stephanus rex Vngariae super auunculum suum, regem Julum, cum exercitu venit, quem, cum comprehendisset, cum uxore & filiis duobus, regnum eius vi ad Christianitatem compulsi. Eadem tradit Anonym. *Belae regis Notar. cap. 27. & Ademar. Chabanensis in Chron. ap. Labbeum bibl. manuscr. T. II.*



operae. Nemo tamen mihi forte vitio vertet, quod si vnam atque alteram, quae, non ubiuis occurrit, adduxero. Primas hac in re defero decretis regum Vngariae primis, quae, Graeci coetus nullibi commemoraverunt, Latini vero frequentius (q). Deinde, reges nostri numquam ausi sunt negare, summum Romanorum Pontificem copiam sacrae coronae sancto regi Stephano fecisse, eumque in honoribus, quos ab ordinibus Vngaricis acceperat, ritu sacro solemni confirmasse. Elucet id omnium eulentissime, ex bellis rebusque gestis Salomonis, Geysae I. regis, & S. Ladislai (r). Ordines

- q) Executias decreta S. Ladisl. R. Lib. I. cap. 3. presbyteris, inquit, qui prima & legitima duxere conjugia, indulgentia ad tempus datur, propter vinculum pacis, & unitatem Spiritus Sancti, quousque nobis, in hoc domini Apostolici paternitas consiliatur. Andreae I. Regis constitutiones ita incipiunt: ut quicumque Vngarus, seu peregrinus, in Vngaria, depositus Scythico, gentili & ethnico ritu, ad veram Iesu Christi fidem illico non rediret, ac sacram legem, a Diuo rege traditam, non reciperet, capite & bonis mulieretur. Hinc colligo, Andream, eam rationem DEUM colendi, quam S. Stephanus Vngaris tradiderat, confirmasse. Andream hunc, sub sacro Pontificis Romani Leon. IX. imperio vixisse, Latinoque ritu, non Graeco, DEUM coluisse, certum est. Alold. enim de Peklarn ad an. 1052. haec commemorat: Leo Papa IX. in exercitu praesens, & ab Andrea rogatus, se interposuit, & pacem conciliavit. Quomodo admisisset Princeps Graecis sacris addictus, hunc pacis conciliatorem?

- r) De his infra §. 9. sq. Confer. Kollar, Prayl. cit. in primis pag. 389. seq. Ladislaus Cumanus in litteris ad Pontificem.

nes praeterea regni Vngariae saeculo XIII. in comitiis, id, inuiti quasi, veritateque rei compulsi, magna conspiratione, fateri habebant necessum (r). Acceperant namque id a maioribus suis Vngariae libertatis alias tenacissimis (t). Nec hoc quoque praetereundum est, Schwarziium, nullibi ostendisse, quo tempore, Vngari, a Graecis, ad Latinos descuerint, & quid eos, ad haec in animum conuocanda consilia, perduxerit. Si id probatum dederit, victas porigemus manus. Sed,

B 3

quo-

tificem Roman. anno 1279. datis, apud *Peterffium l. c. p. 93. non a se vel ab alio, sed ab eadem Romanis ecclesia, matre omnium & magistra, regni diadema, reuelatione diuina, meruit obtinere (S. Stephanus) cet.*

- s) Loquitur id instrumentum insigne, quod anno 1308. occasione electionis Caroli I. confectum est. Adfert illud, post alios, *Peterffius l. c. T. I. p. 150. quod, inquit, coronam regni primus Rex regni Hungariae S. Stephanus a Romano Pontifice consecratam, acceperit, prout Vngarorum historiae, quas legatus ipse praenominatus asseruerat praestari, alias etiam ibi ipsum, ad suae intentionis propositum, super statu eiusdem regni mirabiliter reducendo. Post quae, sub specie tuendae libertatis eiusdem regni, inter ipsos barones, & nobiles, murmur, quod ipsius domini legati attigit aures, per querelam patulam in publicam productam, exoritur, videlicet: quod nolebant, nec erat aliquatenus intentionis eorum, quod ecclesia Romana, vel ipse dominus legatus, eius nomine, saepe dicto regno, de rege nullatenus prouideret.*

- t) Diploma cit. placebat eis (ordinibus Vngariae) quod illum, quem ipsi, ex antiquo & approbato eiusdem regni more vocauerant, & in regem assumerant, praefectus dominus legatus, eiusdem ecclesiae Romanae nomine, in regem verum Hungariae confirmaret, cet.



quomodo probabit, cum nulla huius rei in historia Vngariae decretisque, vestigia occurrant, nulla indicia in iis deprehendantur, qui res aetatis huius in commentaria retulerunt. Aetate Salomonis, immo Andreae I. iam Vngari, Romano ritu rem sacram facere solebant, immo, & aetate S. Stephani, qui auctor fuerat felix Vngaris abiiciendi cultus, quem ritu prisco idolis deferrebant (u). Ultimo, notandum quoque est, adfinitatem eum, cum principibus Christianis, qui ad occidentem erant, iniisse, quod vix fecisset, si religio eundem cum orientis Christianis colligasset arctius (x). Quae, cum ita se habeant, nullus iam dubito adseuerare, S. Stephanum accepisse a summo Pontifice Romano facultatem, ecclesias, templa, monasteria condendi, eisdem leges

u) Rem tanti momenti scriptores sicco vix praeteriissent pede. Connotabant enim diligenter eos, qui, missis Graecis, Romanorum accedebant partibus. Regem Croatiae & Dalmatiae Zwonimirum, qui & Demetrius, anno 1076. Graecorum coetum deseruisse, summique Pontificis patrocinio, se, cum regno, commendasse, probat tabulis publicis *Luc. de regno Dalmat. & Croatiae Lib. II. Cap. 20.* Andream I. Romanae Catholicae religioni addictum fuisse, eamque, a S. Stephano accepisse, iam supra litt. f. probauimus.

x) Conuenit in manus Hielae Henrici Ducis Bauariae filiae, sororem Giselaem, seu ipse rex Stephanus, seu pater eius, collocauit Ottoni Veneto, qui etiam Wilhelmus Burgundiae & Pistauiensis Comes audit, qua de re infra. Nulla sororum eius Graeco Principi nupsit.

leges praescribendi, & sacros honores muneraque etiam conferendi (y).

§. IV.

Sed iam dispiciendum est, quomodo litteras Syluestri cum libertate, quam regi regnoque Vngariae adtribuimus, reducemus in concordiam. Res tota erit in vado, si recogitauerimus, sacrum sibi tantum imperium, Syluestrum, quod in occidentis reliqua habebat regna & ciuitates, reseruasse. Obsequium deposcit a Stephano, eiusque Successoribus, & Vngaris, qua summus sacrorum Christianorum rector, moderatoreque, non qua Princeps, qui partes quasdam ciuilibus potestatis Vngariae, suas esse voluisset (z). Concedent id haud difficulter, qui in Romana Germanica historia huius aetatis non prorsus sunt hospites. Nisi enim me omnia fallunt, Pontifices Romani, hac adhuc tempestate, sub pote-

y) Meminit littetarum harum *Peterffy l. c. p. 5. Kollar l. c. Lib. II. cap. 5. p. 87.* seq. in primis *Pray l. c. ad an. 1037.* Placet ex insigni hoc monumento sequentia adducere verba: *Et sicut habui (Stephanus I. rex) potestatem, ut ubicunque, vel in quocunque vellem loco, ecclesias, aut monasteria construerem, ita nihilominus a Romanae sedis summo Pontifice habui auctoritatem, ut quibus vellem ecclesiis, seu monasteriis, libertates & dignitates conferrem, cet videtur iam potestatem hanc concessisse Syluester II. litteris, quarum supra §. I. litt. b. memini.*

z) Nolo argumenta, quibus id nostri, in primis omni nostra laude maior *Kollar, l. cit. Lib. I. cap. 7.* seq. comprobant, repetere, ne actum agere videar.



potestate erant Imperatoris. Confirmabant hi summum Pontificem, quotiescunque lectione sollenni, summum sacrorum, ad eum deferabatur imperium (a). Procedente demum tempore in plenam se adseruerunt libertatem, & de maiestate Regum Principumque constringenda, & ad suam reuocanda voluntatem, curas inibant grauiore (b).

§. V.

Praeter ea argumenta, quibus sagaces rerum Vngaricarum indagatores, euictum dederunt, Syluestrum, nullam imperii ciuilis partem, in Vngariam, consecutum esse, alia adhuc forte adferri possunt. Huc vero in primis pertinere videntur, leges prouidentissimi Regis Stephani, quibus filio suo Emerico, artes regnandi salutares exposuit. Commendat, magno huic Principi, enixius, coetus sacri curam, monet, ne episcopos, proceresque despiciatui habeat. Quod vero Pontificis Romani nullam hic faciat mentionem, nullam aliam causam esse existimo, quam quod nihil eidem potestatis in regnum adtribuerit Apostolicum (c). Praeterea, iam supra

- a) Durarunt haec vsque ad imperium Henrici IV. Imperatoris, qui Gregorium VII. hac in re, sibi habebat aduersum. Legas eos, qui res gestas saec. XI. in Germania & Italia in litteras retulerunt.
- b) Gregorium VII. id egisse sollicitius, vt plurimas ciuitates Christianas suum sub imperium mitteret, fidemque eis extorqueret, nullus aetate nostra, dubitabit. Legas ea, quae infra §. 9. lit. c. adduximus.
- c) Quomodo praeterire potuisset sapientissimus Rex, Romanum Pontificem, si eius sub clientela vixisset, & Legas decret. eius Lib. I. cap. 2. seq.

supra ostendi, regem Stephanum fateri, se, a summo Pontifice, facultatem condendi monasteria, legibusque ac institutis sacris constringendi, consecutum esse. Concessit eandem, sine dubio, propterea Pontifex, ne, vel Stephanus, vel successores eius, existimarent, regem Apostolicum, pro arbitrato, & vi potestatis, qua reges solent gaudere, rem sacram dirigere ordinareque posse. Quod ergo Syluester, litteris his, sibi reseruauerat, hoc instrumento hoc repetitum confirmatumque est sollemniter (d).

§. VI.

In primis vero opinio haec, ex vita Leonis IX. robur accipere videtur non expugnabile. Summus hic ciuitatis Christianae rector, venit anno 1051. in Germaniam, conciliandae Henricum III. imperatorem inter, & Andream I. regem Vngariae, pacis causa. Ceperat namque vtrumque principem satietas diuturni belli, quod, ob deiectum Petrum regem, sceptrisque priuatum, obortum erat. Solus Pontifex hic tanti esse videbatur, vt quidquid controuersiarum inter eos erat, diri-

d) Pertinent huc ex Syluestri II. litteris, sequentia: *Quare, gloriose fili, cuncta, a nobis, & sede apostolica, exposulata, diadema, nomenque regum, Strigoniensem metropolim, & reliquos episcopatus de omnipotentis DEI, & beatorum Petri & Pauli Apostolorum, eius auctoritate praemouente, atque ita iubente, eodem omnipotente DEO, cum Apostolica, & nostra benedictione, libenter concessimus, concedimus & impetimus.*



dirimere, pacemque inter duas gentes validas potuisset restituere. Fecit summus Pontifex copiam sui vtrique Principi, adfinitateque, inter eos procurata, ad Toga Germanos iuxta ac Vngaros reuocauit (e). Si quid potestatis in regnum Vngariae summus Pontifex habuisset; & Andream castigasset verbis grauioribus, quod, posthabita summi Pontificis auctoritate, summam rerum, apud Vngaros, acceperit, & Henricum monuisset, ne quid iuris in regnum regemque sibi obnoxium, imposterum sibi adtribuere. Ostendisset, Henricum, summam sibi per id intulisse iniuriam, quod Andream cum a Petri Apostolorum Principis, tum successorum eius, ab obsequio, abducere, sibi obnoxium redere voluisset.

§. VII.

Ipsi quoque Pontifices subinde fateri cogebantur, ea tantum Syluestrum iura sibi in Vngariam vindicasse, quae, in reliquis ciuitates Christianas eidem competebant. Suffecerit in praefens, quae hic adfirmo, sequenti communire, stabilireque testimonio. Gregorius VII. in

e) *Alold. de Peklarn ad an. 1052. & Herman. Contraſtus ad an. 1053.* tradunt, Leonem, ab Andrea, euocatum esse, ad dirimendam controuersiam hanc, & pacem procurandam, *Otto Frising. Chron. Lib. VI. cap. 33. Chronogr. Saxo. ad an. 1052. Alber. Monachus trium fontium ad an. 1051.* haec de Henrico perhibent. Vtriusque Principis consensione poterat euocari Leo eo, quod plurimum momenti adlaturus esse credebatur, ad pacem restituendam.

in epistola, quam ad Geysam I. regem Vngariae anno 1075. dedit, haec commemorat: *notum tibi esse credimus, regnum Hungariae, sicut & alia nobilissima, in propriae libertatis statu debere esse, & nulli regi alterius regni subiici, nisi sanctae & vniuersali matri Romanae ecclesiae, quae, subiectos non habet ut seruos, sed ut filios suscipit vniuersos (f).*

§. VIII.

Non plane nulli sunt, qui maiestatis, quam Pontifici deferunt, ortum cunabulaque ad ius crucem duplicatam praeferendi regibus Vngariae, quò S. Stephanus auctus est, reuocant (g). Verum, ad haec suffecerit

C 2

f) *Apud Harduin. T. VI. Concil. p. 1310. Idem Pontifex, litteris, an. 1078. ad Nehemiam Strigonensem archiepiscopum exaratis, quid sibi iuris in Vngariam vindicauerit, non obscure exprimit: ut apertius nobis suam voluntatem, & erga reuerentiam sedi Apostolicae debitam, per idoneos legatos denunciet deuotionem. Ex Harduini T. VI. Concil. p. 1369. Pray l. cit. p. 78. Episcopus Zagrabiensis Augustinus apud Pray l. c. p. 390. in comitiis, apud Pestum, anno 1310. ita ordines regni Vngariae adloquitur: ipse sanctissimus Apostolus Hungariae Stephanus, de cuius successore agimus, a Romano Pontifice Syluestro II. rex est declaratus, & perpetua legatione Apostolica decoratus. Quodsi fatemur in fonte, cur non admitemus in riundo: ita tamen, ut inde libertati illi perpetuae, qua Hungari suos principes eligunt independentem a qualibet alia potestate, nullum praeiudicium oriri profitear.*

g) *Legas eos, qui catalogum feudorum curiae Romanae adornarunt, Baronium, Bodinum, alios, quos Contrin-
gius*

cerit reposuisse, Stephanum, crucem hanc, qua Apostolicum accepisse regem (b). Alii, praeunte aequaeuo Ditmaro Merseburgensi, tradunt, Ottonem III. Imperatorem, praerogativam hanc Stephano regi contulisse (i). Si etiam, rex hic, Vngariam Pontifici Sylvestro obtulit, num adsistentibus regni ordinibus? Si iisdem inficis inuitisque id fecit, quid hoc ad Vngaros, regesque eorum? (k).

§. IX.

- gius de finibus imperii Cap. 17. & Schuederus in theatro praetensionum Lib. III. sect. I. cap. 16. commemorant Conf. Io. Petrus Ludwig in Germania Principe Lib. I. c. 2. p. 49.
- b) Ita enim Sylvester II. postquam tu, & illi, (successores), coronam, quam mitimus, rite iuxta formulam legatis tuis traditam, coronatus, vel coronati existentes, crucem, ante te, Apostolatus insigne, gestare facere possis & valeas, atque illi possint valeantque. De cruce hac, eiusque fati, vide Vngaricos annales, in primis Illustriss. C. Reua in comment. de sacra corona regni Hungar. apud Schwandt. T. II. p. 439.
- i) Ditmarus Merseburgens. Lib. IV. Imperatoris praedicti (Ottonis III.) bortatu, gener. Henrici ducis Bauariorum, Waic (Iego Gais, seu Geisa) in regno suo episcopales cathedras faciens, coronam & benedictionem accepit. Ademur in Chron. apud Labbeum bibl. manuscr. T. II. regem Vngariae baptisavit, qui vocabatur Geitz, & mutato nomine in baptismo Stephanum vocauit, quem Otto Imperator in natali protomartyris Stephani a baptisinate excepit, & regnum ei liberrime habere permisit, dans ei licentiam ferre lanceam sanctam ubique, sicut ipsi Imperatori mos est. Schwarzii opinionem examinat P. Stilling, & Kollar. l. cit.
- k) Vid. supra proleg. §. 4. lit. e. Monuit haec erudite Illustris. Kollar. l. c. Lib. I. cap. 11. in ista, inquit, republicae

§. IX.

Obstare iis, quae hucdum disputauimus, in primis videtur, quod Gregorius VII. quo in amplificandis iuribus Romani Pontificis, nemo fuerat diligentior, Vngaros, sub eius ditionemque suam redigere voluerit. Verberat ille Salomonem extorrem, grauioribus verbis, quod adfinis potius, quam sua opera, regnum recuperare voluerit Vngariae. Ostendit, nihil Henrico Germanisque potestatis, competere in Apostolicum regnum, quod S. Stephanus Pontificis Romani tenuerit exeritque auctoritate (1). Haec, quem ad modum in dubium vocare non audemus, ita, eadem, ad praesens argumentum parum facere existimamus. Nullam enim Gregorius Syluestri litterarum facit mentionem. Cur? Quia

C 3

forte.

cae ratione, consensus ducum, procerum, populi que erat necessarius, ut, regnum cuilibet legitime donari, libertatisque reges eligendi limites restringi possent: at vero de consensu hoc, neque in vetustis monumentis, neque in epistola Syluestri ulla vspiam mentio. Dolendum est, quod litterae Stephani, quas, occasione hoc, dedit ad Syluestrum II. ad nostram non peruenerint aetatem. Hae, totam hanc litem, deciderent. Parum tamen praesidii, in eis, Pontifices Romanos inuenisse, exinde colligi potest, quod, numquam se, ad eas, quum, de iure hoc, cum regibus ordinibusque Hungariae agebant, receperint.

- D) Legas litteras has apud Kollar l. c. Lib. II. cap. 6. Pray. l. c. ad an. 1074. alios, vbi haec occurrunt: sicut, a maioribus patriae tuae cognoscere potes, regnum Hungariae sacrae Romanae ecclesiae proprium est, a rege Stephano olim beato Petro, cum omni iure & potestate sua oblatum, & deuote traditum.

forte cognouit, nihil in iis deprehendi, quo comprobari posset, imperium ciuile, regem sanctum, summo cum Pontifice, partitum esse, partemque huius notabilem, in summum religionis Christianae moderatorem, transtulisse (m). Praeterea, ex his, cognatisque, ad reges Vngariae, datis litteris Gregorii, non obscure colligitur, non fuisse, eundem, de iure, quod Syluester sibi in Vngariam comparauerat, bene informatum. Suggestit eidem, non nemo, seu opera data, seu inductus litteris male intellectis Syluestri, S. Stephanum, locum, inter clientes summi Pontificis, expetuisse. Aliter de tota hac re, Leo IX. iudicabat, id quod supra iam commemoratum est (n). Accedit, quod Gregor. VII. omnes propemodum reges principesque Europae, ad obedientiam imperiorum suorum perducere voluerit. Qui eum, his in coeptis, confirmabant, varia confingebant iura, quae olim, Romanos Pontifices habuisse audacter adseuerabant. Quibus haec suspecta esse videntur, consulant monumenta historica aevi huius diligentius (o). Ultimo non est prae-

m) Legas litteras apud Pray l. c.

n) Vid. supra §. 6. litt. f.

o) In epistolis eius, quas Harduinus Tom. VI. Concil. exhibet, multa, quae huc pertinent, deprehendes. Ita Lib. VII. ep. 20. ad Philippum I. regem Franciae scribit: *maxime enitere, vt beatum Petrum, in cuius potestate, est tuum regnum, & anima tua, qui te potest in coelo & in terra ligare, & absolueret, tibi facias debitorem.* Ad Hispaniarum regem Lib. X. epist. 7. haec perscripsit: *regnum Hispa-*

praetereundum, regnum Vngariae, a principio, iure haereditario, ad regiam pertinuisse gentem, ita tamen, vt

Hispaniae, ab antiquo, proprii iuris Sancti Petri fuisse, & soli Apostolicae sedi ex aequo pertinere. In epist. 3. Lib. IX. ad Passauienfem episcopum haec deprehendes: admonere te volumus, ducem Welponem, vt fidelitatem beato Petro faciat. Illum enim totum in gremio b. Petri desideramus collocare, & ad eius seruitium specialiter prauocare, cet. Wilbel. Conquestor. potens Anglorum rex, tributum & fidem Poscenti, ita rescriptit: Hubertus legatus tuus admonuit me, quatenus, tibi, & successoribus tuis, fidelitatem facerem, & de pecunia, quam antecessores mei, ad ecclesiam Romanam mittere solebant, melius cogitarem. Vnum admisi, alterum non admisi. Fidelitatem facere nolui, nec volo. Recitat totam epistolam Stephanus Baluzius miscellan. T. VII. p. 127. In litteris vero, quibus Zwonimir Croatiae rex, fidem Pontifici huic defert, haec prostant: praeterea, cum DEO seruire, regnare est, vice b. Petri, & Domini nostri Pontificis Gregorii, atque, post se, successorum, in Apostolica sede, me, suis manibus committo, & commendo, hanc fidelitatem. sacramento stabillio. Totum instrumentum legas apud Lucium l. cit. p. 138. In Germania, Henricum IV. imperio exuere, idque in Rudolphum ducem transferre volebat, cui etiam coronam donabat, quae haec verba inscripta habebat: Petra dedit Petro Petrus diadema Rudolpbo. Successores quoque eius vestigiis inhaerere interdum volebant, successum tamen exoptatum consiliorum videre non poterant. Fridericus I. opprobrat Pontifici, quod ausus sit dicere, se imperatori, beneficium contulisse. Excusat se Pontifex apud Radeuic. Lib. I Cap. 22. Possem plura adducere, sed haec sufficient. Non dubitarunt certe



vt ab ordinum voluntate dependerit, cui potissimum e numero principum regio sanguine fatorum, fasces imperiumque tradere voluerint. Probatum id non ex ordine tantum, quo se in regno Vngariae exceperunt (p), sed ex

certe nonnulli scriptores, Pontificem *Romanorum, magistrum mundi, luminare maius* vocare, aliisque excellentioribus titulis exornare.

- p) Iam duces Vngariae, iure hereditario, ad ciuitatem Vngaricam accessisse videntur. vid. supra prolegom. §. 6. litt. i. Post fata S. Stephani, cognati eius, Petrus & abba, post hos; agnati, sceptrum Vngaricum tenebant, & primum quidem Andreas I. postea frater eius Bela I. Hic fator est, paterque reliquorum domesticorum regum vsque ad Andream III. qui in Vngaria imperabant. Adeoque, ad Toxum, qui & Vrsus, auum S. Stephani, reges hi, natales referunt. Qui parum iuris in regnum habere videbantur, sequentes sunt: Sigismundus, Caroli IV. imperatoris gnatus, gener eius Albertus, post hunc Vladislaus Polonus, Vladeslai Iagellonis filius, Matthias Corvinus, & Ferdinandus I. Primus & secundus, iure, quod vxoribus eorundem compete-
tebat, adseruerunt sibi, posteritatiue, Apostolicum regnum, quod ius adoptione firmatum est, tertius ea lege rex est renunciatus, vt Elisabetham viduatam morte Alberti, acciperet in matrimonium, quarti electio tumultuaria erat, adeoque hic non est consideranda, vltimi ius succedendi, partim ex nuptiis, quas cum Anna, Ludouici II. forore, fecit, partim ex pactionibus, quas auus eius Fridericus Augustus, cum Mathia & ordinibus inierat, deriuandum est. De Sigismundo adhuc notandum est, eundem, stirpis Vngaricae fuisse principem. Auia enim eius Elisabetha,
Ioan-



ex diplomatibus etiam regis innumeris (q), immo, & egibus regni, in comitiis latis (r). Mox propiores
cogna-

Ioannis regis vxor, neptis erat Cunegundae, Ottocari regis vxoris. Cunegunda haec, auum habebat Belam IV. regem Vngariae. Placet id sequenti illustrare schemate:

Bela IV. Rex Vngariae

Anna vxor reguli Machouiensis

Cunegunda vxor Ottocari R. Bohem.

Wenceslaus R. Bohem. & Poloniae.

Elisabetha vx. Ioannis R. Bohemiae.

Carolus IV. Imperator. & R. Bohemiae

Sigismund. Imp. & R. Hung. & Bohem.

- q) Supra iam proleg. §. 6. lit. i. nonnulla commemorauimus. Geysa II. rex in diplomate apud *Peterfium* l. c. T. I. p. 127. ita: quod ego Geysa secundus secundi Belae regis filius, diuina dispositione, scepra paterni regni iure haereditario obtinens, cet. Maria I. in decret. anno 1384. haec adducit: quod Serenissimo principe Ludouico, DEI gratia, inclito rege Vngariae, Poloniae, Dalmatiae, cet. genitore nostro charissimo, volente domino coeli, cuius natu omnia reguntur & disponuntur, absque prole masculina de medio sublato, nobisque successoribus, & ordine geniturae, solium & coronam feliciter adeptis, cet. De quo decreto vid. *Cel. Caroti Andree Bel. tract. de Maria Ludouici I. principe filia*, p. 47. seq.
- r) Probatur id eorum in primis regum decretis, quorum electione ius hoc haereditarium maxime turbatum esse vide-

cognati remotioribus agnatis anteponebantur (s); mox, inter hos, studia diuersa obseruabantur, certaminaque de imperio perniciabilia. Aetatis, virtutisque bellicae, maximam videtur habuisse gens bellicosissima rationem, hac-

videtur. Ex *Alberti I. decret. art. 12.* supra iam proleg. §. 6. lit. 1. dedimus. *Decretor. Matthiae I. regis artic.* ita habet: *in primis ex vetusta maiorum ordinatione, sancitum & constitutum est, quodsi quando regum semen deficere contigerit, & de electione noui regis tractaretur, cet. Artic. 2. secundo, si quispiam regum, haeredem in tenera aetate constitutum reliquerit, Palatinus, ex officio tenetur, & debet, illum, tanquam tutore, in regnis & dominiis paternis conseruare, cet. Artic. 3. Tertio, si regum semen deficere contigerit, infra id tempus, quo ad nouus rex eligeretur, aut, etiamsi vt praesertur, haeres in tenera aetate relinqueretur, Palatinus eius tutor, cet. Quid his clarius, quid euidentius esse potest?*

- s) Factum hoc est potissimum post fata sancti Stephani. Rex hic magnitudiue meritorum suorum, a ciuibus Vngariae id facile impetrauit, vt sorores suae eorumque liberi, reliquis eius agnatis cognatisque anteponerentur. Quae enim nostri in annales retulerunt, de foeda crudelitate, cuius documentum Gisela vxor sancti regis in Vazulem dedisset, & caussa abitus Belae, Andreae & Leuentae in Bohemiam atque Poloniam, suspecta fide omnino narrari videntur. Legas *Pray annal. ad an 1032.* Pari ratione, Ludovicus M. posthabitis agnatis, quos in Italia, habebat, regnum Vngariae, filiae Mariae, & Sigismundo Marchioni, sponso eius, reliquerat. Forte id non fecisset, ni caede crudeli fratris eius Andreae, manus polluisent, gentemque Vngaricam non minus, quam regem offendissent.

hacque de caussa, reges, non semper diadema in filios transferre poterant, sed illud saepe fratri inuiti cedere cogebantur (t). Haec propterea hic adduco, vt pateat, quisnam litem, quae, de imperio, Salomonem inter, & Geyfam, principes Vngaricos, exarserat, dirimere debuerit. Scilicet, nec Pontifex Romanus, nec alter aliquis extraneus princeps, sed soli ordines Vngariae.

§. V.

Sicuti vero Gregorius Pontifex Salomoni succensebat, quod, per Germanos, reditum quaesiverit ad regnum; ita Geyfam quoque reprehendebat acrius, quod, se in consilium non adhibito, ad ciuitatem Vngaricam accesserit (u). Quo iure id fecerit, ex illis, quae commemorata sunt, disces. Vngari, vt ostenderent, quam nihil imperium ciuile ad Pontificem pertineret, duos, e numero procerum, egerant in exilium, quod mandata Pontificis, auitae anteposuerint gentis

D 2

Vnga-

t) Praebebatur consuetudo haec non raro materiam bellis funestis. Reges enim saepe fratres deprimebant, vt filiis, eorumque honori consulerent. Inuenies complura huius rei in annalibus Vngariae exempla. Hinc quoque non difficili opera collegeris, formam hanc regendi ciuitatem Vngaricam, paci tranquillitatisque publicae fuisse aduersam, subindeque Vngariam commouisse vehementius. Sapienter ergo factum est, quod ius hoc, ad leges primogeniti sit reuocatum.

u) Litteras exhibet *Harduinus T. VI. Concil. p. 1310. & Pray ex eo l. c. p. 75.*



Vngaricae libertati. Summus Pontifex, vicem eorum miseratus, precibus, non mandatis, id, a Ladislao rege impetrare debebat, vt viri hi maiorum imaginibus clari, postliminio restituerentur (x).

§. XI.

Post fata Gregorii VII. diu, nihil iuris sibi Pontifices Romani, in Vngariam vindicabant, & satis commodas, quae non raro se obiiciebant, missas faciebant occasiones. Belam IV. regem, immunem liberamque ab omni imperio Friderici II. imperatoris pronuntiabat Innocentius IV. (y). Cur vero iuris sui in Vngaricam ciuitatem, ea tempestate, non commemorit? Nonne propterea, quod nihil sibi plus in eam potestatis tribuerit, quam in reliquum orbem Christianum. Paulo post, reprehendebat, principem hunc, quod ad barbarorum confugerit auxilia, debellandi filii Stephani rebellis causa (z), & cum saeuo Tartarorum Principe adfinitatem inire,

- x) Recitat litteras *Harduin. T. VI. p. 1416.* Itaque comites illos - - eorumque milites, quos b. Petro fideles, iustitiaeque fautores, iniusta, vt accepimus, sententia, in exilium expulsi, tibi commendatos esse, ex parte nostra optamus. Et quia hactenus illis subuenire ex industria propria, claritudo tua curauit, sentiant sibi nunc ob fidelitatem beati Petri, nostramque commendationem; solatii auxilique munus copiosius accessisse.
- y) Litteras Innocentii deprehendes apud *Raynaldum ad an. 1245.* ex quibus, quae huc pertinent, suppeditabit *Pray l. c. p. 180.* vid. infra Cap. II. §. 14. litt. o.
- z) Exarauit litteras Pontifex anno 1254. in quibus haec prostant: *sane tristes audiuiimus, & rescriimus cum dolore, quod*

inire voluerit (a). Fecit hæc, qua summus rei sacrae per Christianum orbem antistes, non qua Princeps, cuius partes essent nonnullae in regenda ciuitate Vngarica.

§. XII.

Saeculo demum XIII. libidinum illecebrae quibus se Ladislaus rex, quem Cumanum nostri adpellitant, tradidit, exciuerunt Pontificem ad protegendam christianam rem studiosius. Metuebat enim, ne rex inter amplexus Cumanarum feminarum haerens, blandimentisque earum delinitus, ad auitum fictorum numinum cultum, Vngaricam gentem, quae aegre eundem dimiserat, reduceret. Auerterat detestanda libido, etiam nonnullos Pontifices procereſque, a sano sensu, eademque dementia ceperat. Ipsa mater regis Cumanis plus quam Christianis, fauisse dicebatur (b). Qui rem sa-

D 3

cram

quod inter te, ac eundem primogenitum (Stephanum V.) materia dissensionis exorta, ipse contra te, Cumanorum, tuque contra eum, paganorum de Liuania (forte Lithuania), & aliorum infidelium vicinorum auxilium intenditis inuocare, ac hostilem congressum ad inuicem experiri, cet. Raynald ad an. 1264.

a) Iam anno 1259. adfinitatem Belae summus Tartarorum princeps expetebat, & Vngaros, ad societatem armorum aduersus reliquos Christiani orbis principes inuitabat. vid. litteras Alexandri Pontificis apud Rainald. ad an. 1259. & Pray l. c. p. 302. sq. Alias huius argumenti suppeditat idem laudatus Pray l. c. p. 316.

b) Ita enim episcopus Olomucensis ad summum Romanorum Pontificem scribit: *Ecce ipsa (mater) regina Hungariae*

cram ritu christiano faciebant, regisque commercium execrabantur, tanti non erant, vt religionem christianam, & se, tutos reddere potuissent. Obiecit ergo se tantæ tempestati, ad quem totius orbis Christiani cura pertinebat, Pontifex, & nihil eorum fecit reliqui, quae, ad profliganda vana instituta cultumque DEI Christiano aduersum, videbantur esse necessaria. Erex-
xit certe multos, quorum animi labare coeperant, alios in christiana firmavit disciplina per Nicolaum Philip-
pum Firmanum legatum suum apud Vngaros (c). Quid-
quid tamen, viuente rege hoc vario & inconstante, per
legatos, in Vngaria, occipiebat, id, eo pertinebat,
vt religioni potius sacrae in ea consuleret, quam domi-
nationem & principatum, quem ei nonnulli, in liberum
regnum tribuunt, vindicatum iret (d).

§. XIII.

*riae est Cumana, proximi parentes eius gentiles sunt, & fue-
runt. Apud Raynald. ad ann. 1273. Fuisse principem hanc
Christianam, alia monumenta loquuntur: sed forte
Cumanorum rei non minus, quam Christianae fauebat.*

- e) Vestimenta quoque & instituta Cumana, secundum re-
gem, multi induerant proceres. Consule *Pray l. cit.*
in vita Ladislai Cumani.
- d) Patet hoc ex compluribus litteris, quas Pontifex Ro-
manus ad regem Cumana superstitione & vanitate cap-
tum, dedit. Vid. instar omnium, quas *Pray l. c. p. 356.*
ad an. 1287. adfert. Adposite huc litterae Andreae II.
anno 1219. ad Pontificem scriptae apud Pray l. cit. p.
214. nos, prouti ex nostrorum antecessorum praerogatiua iam
dudum

§. XIII.

Post fatalem Ladislai huius exitum, volebat Pontifex, Andream III. vnicum stirpis regiae superstitem Principem, ab Vngaricis gubernaculis exclusum esse. Id enim, totis agebat viribus, ne obedientiam alteri Vngari praestarent, quam Carolo Martello, clienti suo fido, quem eis destinauerat. Sperabat namque fore, ut sicuti, ex munificentia Romani Antistitis, pater auusque, in Italia acceperant maiestatem, ita hic quoque Vngarica sceptrā sibi referret in acceptis (e). Irrita nihilominus conata eius, quamdiu Andreas rerum potiebatur, reddebant Vngari.

§. XIV.

audum visi sumus, & cognouimus, spiritualement sacro sanctae Romanae ecclesiae, recensente nos esse filium, ad vestrae sanctitatis exhortationem, consilium, per obedientiae victimam, nos, & nostra litare cupientes. Et paulo post haec: nos, coronam, regnum nostrum, & filios, vestrae Sanctitatis custodiam illibatae conseruanda commendantes.

- e) Scripsit ad Vngaros, Rudolphum imperatorem, & alios principes, regnum Vngariae, ab antiquo tempore, ad summum Pontificem pertinere, nullum alium, quam Carolum Martellum ad imperium euehendum esse. vid. litteras apud *Pray l. c. p. 360.* seq. Parum haec curabant antistites ipsi Vngarici, omnesque, eos, Christiana ex ciuitate eiiciebant, qui Andreae fidem denegabant & obsequium. Disca id ex litteris Bonifacii, ad Strigoniensem pontificem datis, apud *Pray l. cit.*



§. XIV.

Venceslaus, & procures, qui a parte eius fuerant, parum curare videbantur, quod Bonifacius, Carolum hunc, extra solum Vngaricum anno 1290. regem pronunciauerit (f). Auocabat quidem ciues Vngaricos, ab obsequio Bohemi huius litteris; qui tamen publici eas in Vngaria facere iuris voluisset, nemo fere fuerat inuentus (g). Libertas, qua hucdum vsi sunt, adeo acuit

f) Factum id adhuc est anno 1290. vid. *Madius de gestis Romanorum cap. 2. & Ioan. Villanus Florentinus in hist. vniuersali Lib. VII. C. 134. apud Murat. in script. rerum italic. T. XIII.* Seu extremo Andreae regis anno, seu statim post fata eius, Strigoniensis antistes, coronam capiti eius, sed non prisco ritu, Strigonii, imposuit. vid. *Thurocz cap. 34.* Pontifex, in litteris, ad legatum suum exaratis, apud *Pray l. c. p. 369.* cum magnificus vir Carolus, nepos charissimi in Christo filii nostri, Caroli Siciliae regis illustris, per dilectum filium Strigoniensem electum, & administratorem auctor auctoritate nostra in spiritualibus & temporalibus Strigoniensis ecclesiae constitutum, in eiusmodi regni Vngariae regem fuisse antea coronatus.

g) Euocabat Pontifex Romam, ad reddendas rationes accepti, apud Vngaros, imperii, Vngariae regem, patrem eius Venceslaum, regem Bohemiae & Poloniae, procuresque Vngariae, qui a partibus Bohemi fuerant, in primis Colocensem pontificem, qui coronationis sollempnia dirigebat: parum tamen haec in Vngaria curabantur. Legas *Pray in vita Venceslai.* Rem ita tractabat pontifex, ac si ius Venceslai in regnum Vngariae ignorasset. Ita enim apud *Raynald. ad an. 1301. ut non prosequamur, ad praesens, quod, nec ex successione, seu iure aliquo,*

acuit procerum Vngariæ pectora, vt ausa eorum, quos fauor ceperat Italicus, vi comprimere non dubitauerint (b).

§. XV.

Eandem operam ludebat, Ottone Bauaro, post Venceslai abscissum ex Vngaria, ad clauum sedente

aliquo, quod occurrat, regnum ipsam debeatur Venceslao nato prædicto. Litteris aliis, per Europam, vulgatis anno 1303. ostendit Pontifex, Carolum esse hæredem proximiorum, & in Strigoniensi ecclesia iuxta ritum antiquum Vngariæ, per personam antiquam regale suscepisse diadema. Raynald. ad an. b.

- b) Archiepiscopus Colocensis & episcopus Zagrabienfis, mandata Romani Pontificis, quibus præcipiebat, vt Vngari soli Carolo fidem deferrent & obsequium, non sunt ausi totum per regnum, promulgare. Rayn. l. c. & Præp. 376. seq. Quanto opere, consiliis Pontificis se opposuerint Vngari, discas exoratiuncula Zagrabienfis antistitis, qua, in concionem vocatos ordines, apud Pestum, anno 1310. ita est allocutus: *vt paucis concludam, quod longo tempore mirabundi suspeximus, & suspirauimus, clericorum turba, plebis armata furore, pestilens virus in medicum eructando, Apostolicam sedem, quæ, a nemine iudicatur in terris, anathemate percutiendam strepitu campanarum censuit, effusa causa, quasi Romanus Pontifex electionem regis Vngariæ perpetuo liberam, violentia, vt iactabant, intrusione Caroli Andegauienfis violasset. Apud Præp l. c. p. 389. seq.*

E

te (i). Qui vero Carolum Robertum, Caroli Martelli maiorem natu filium ei anteponendum esse rebantur, non tam obsequii, quod Pontifex deposcebat, contestandi causa, quam, ut in turbido eo felicius piscari potuissent, idem faciebant. Inuenti omnino sunt non penitus nulli, qui Carolum hunc expetebant; at, postquam votorum se damnatos vidissent, imperia eius aspernabantur, seditionesque exitiabiles ciebant in regno (k). Deriuabant iura eius hoc in regnum, quicumque eius sub imperium se contulerant, ex cognatione, qua proxime Ladislaum Cumanum adtingebat (l). Propterea, comparandum cum eo nullum alium Vngarico satum sanguine existimabant (m). His quoque argumen-

- i) Nescio, quomodo Augustinus Zagrabiensis episcopus in comitiis regni anno 1310. haec proferre poterat: *Bauarus Otto, quo glutine stemmati nostrorum regum possit agglutinari, nequaquam mihi probatur, apud Pray l. c. Forte non fugiebat Antistitem grauissimum, matrem Ottonis Belae IV. regis gnatam fuisse.*
- k) *Thurocz cap. 84.* scribit, Matthaeum Trenchiniensem, & alios potentiores, *Carolus puerum, regem nominasse, verbo, sed non facto.*
- l) Augustinus Zagrabiensis episcopus l. c. ostendit in comitiis, summum Pontificem tueri *Carolus in regno, iure sanguinis ei debito.*
- m) *Episcop. Zagrab. l. cit. Iure autem sanguinis, aequo, optimo, super alios competitores, Carolo deberi diadema auiticum, sole meridiano clarius est; cum matrem habuerit Mariam, Stephani V. Hungarorum regis filiam, sororem Ladislai III. & ultimae ex Bela propaginis sacrae masculae Hungaricae. Et*

gumentis usus est ille, penes quem sacrum erat in orbe Christiano imperium (n). Quidquid praeter haec, adducere possemus, his innititur argumentis. Quae ergo commentati sumus, de his quoque forent dicenda. Adëoque haec in praesens sufficiant.

CAPVT II.

OSTENDIT, VNGARIAM IMPERATORI IMPERIOQVE ROMANO GERMANICO NVMQVAM FVISSE OBNOXIAM.

§. I.

Germanos, nihil in Vngariam antequam S: Stephanus primus Vngarorum rex in manus Giselaë Ba-
uaricae Principis conuenisset, habuisse iuris, omnes re-
rum Germanicarum curatiores fatebuntur indagatores.
Qui enim iam antea, seu Henricum aucupem, seu Ot-

E 2

tonem

mox paucis interiectis: addo praeterea, quod omnibus liqui-
dum est, Carolum regem nostrum, numquam se regno Hunga-
rico obtulisse, quippe cui, tanquam primogenitae proli paren-
tis sui Caroli secundi felicissimum totius orbis regnum Siciliae,
naturali praerogatiua destinabatur, sed, unde ipsi immortales
gratias habere debemus, & agere, ab melioribus senatoribus
solicitatione, iussu Romani pontificis, labanti Hungariae, &
alienis nationibus in praedam concedenti, praesto futurum, post-
habito nobilissimo & ditissimo Siciliae regno, adcurrisse.

- n) Litterae Pontif. apud Raynald. ad an. 1303. num. 17.
praedicta regina Siciliae sicut primogeniturae ius obtinens clarae
memoriae Stephani regis Vngariae, patris sui, in eodem regno
propinquior est, successor & haeres, quondam Ladislao regi
Vngariae fratri suo ex utroque parente.

tonem I. in deuictam gentem Vngaricam, potestatis non nihil consecutum esse, memoriæ prodiderunt (o); perinde sunt deridendi, ac si quis Vngaros, multis ante Henricum victoriis, in Germania, claros, non tributum tantum, sed obsequium etiam, armis, hostibus his, extudisse adfirmaret (p). Neque felicius ratio- nes

- o) *Auctor Chronici Reichersbergensis ad an. 921. (potius 933.)* Henrics, cum Vngaris pugnavit apud Merseburg, & felicif-
sime triumphans, tributarios eos facit sibi. *Cbron. Mindense*
apud Meibom. script. rerum German. T. I. ad an. 934. Henri-
cus imperator (rex) in signum rebellionis, abiectionis & con-
temptus eorum (Vngarorum) misit eis catulam abscessis auribus
& cauda pro tributo. Vocula rebellare, quam potestatem
aetate hac habuerit, cuius forte constat. *Bonfin. Dec.*
I. Lib. X. Quin etiam eo insolentia prouecta Germana superbia,
ut, ob hanc unam calamitosam & cruentam Ottonis victoriam,
ex Vngaro, neque fuso, neque cedente, relata, imperii quo-
que Pannonici titulos usurpet. Alias forte causas titulo-
rum horum adducunt, quas mox examinabimus. Ni-
hil faciunt ad rem, quae *Ioan. Petr. Ludwig in Germ. Prin-*
cipe Lib. I. c. 2. p. 48. adducit. Fuit, inquit, Hungaria
omnis in clientela imperii Romani. Nam, veteris Pannoniae
provincia Romanorum fuit, quae, non solum Vngariam, sed
huic quoque vicina regna, sub suo habuit complexu. Idem
mox ita: universos harum ditionum regulos Carolus M. in
suam, imperique clientelam redegit. Carolingica autem stir-
pe in Germania ad interitum ruente, obsequii iugum bi etiam
reguli iterum excusserunt. Nihil haec ad Vngaros.
- p) Annus erat 926. quo Franci, qui orientem versus habi-
tabant, pacem ab Vngaris expetere, tributoque emergari
debebant. *Legas Wittebind. Lib. I. p. 138. Luitprandum*
bistor. Lib. II. cap. 13. contin. Regin. ad an. 926. alios.

nes subducunt, qui lectoribus persuadere volunt, vel, per Giselaam Bauaricam, vel, per Henricum fratrem eius, Imperatorem Romanorum, Regemque Franciae, quam Germaniam hodie vocamus, Vngaros, ab auita reuocatos esse superstitione, & sub Francicum adductos imperium (q). Primum quidem ad liquidum iam

E 3

explo-

- q) *Auctor vitae Henrici huius apud Canisium T. III. P. III. p. 390. Pannoniam quoque Catholicæ fidei, & Romano imperio coadunauit (Henricus II.) Victor autem aliarum nationum Apostolus fuit Vngarorum. Male! Honos hic pertinet ad Stephanum regem. Confer. annal. sax. ad an. 1002. Sigbert Gemblac. ad an. 1010. (forte 1001.) Addit plura Ioan. Auentinus annal. Boior. Lib. V. hanc in rem scribens: rectori eorum filio Geizonis, qui obierat anno C. 996. Gisala soror Hainrici despondetur; hac lege, atque omne, ut ille; explosa falforum deorum superstitione, Christi unius & veri, & summi DEI cultum, cum popularibus reciperet. Accepit conditionem princeps Vngarus: statim aqua lustradica tingitur, Stephanus appellatur, & a Cesare, rex nuncupatur. Gisala igitur fatale sortita nomen, Stephano tamquam obses, & fidei vinculum nuptum datur. Cuius ope & consilio, Vngari, philosophiam Christianam sectari coeperunt. Ioan. Petr. Ludw. testimonium hoc, hominis recentis tanti facit, vt non dubitet in comment. de auspicio regio p. 87. 91. & in German. princ. Lib. I. 2. p. 48. adseuerare, Stephanum, auspiciis imperatoris, regios assumisse honores. Confutauit virum eruditum, Io. Iny in dissert. de auspicio regio Stephani I. Hungarorum Apostoli. Confer quoque Herman. Conring. de finibus imperii Rom. German. Lib. I. cap. 27. Burchard Gottf. Struve Corp. hist. Germ. Rer. V. sect. V. §. 9. n. 86. Omnibus his, opponimus, Vponis*

exploratum est, non contemnendam Vngarorum partem, rectoremque eorum Stephanum, antequam consilia de matrimonio, cum Gisela ineundo, suscepisset, nuncium misisse numinibus fictis (r). Deinde si etiam concedamus, vti omnino haud inuiti concedimus, multas Gisela in firmandis sacris Christianis amplificandisque in Vngaria partes fuisse (s); qui exinde concludi posset, per id, imperii Vngarici partes Francos accepisse, non possum perspicere. Libera ergo erat, sui-que iuris ciuitas Vngarica, quamdiu sanctus Stephanus eam rexit.

§. II.

ponis, omni exceptione maius testimonium. Ita scriptor hic, qui Conrado II. a sacris erat, in vita huius imperatoris, in collect. *Pistoriana script. rer. Germ. T. III. Hungaria, quam idem rex Henricus, nobili atque admirabili victoria domuit, & post victoriam, sapientissimo consilio, sibi, & successoribus suis stabilivit, praedicto tempore (dum Conrad. II. eligebatur), nec audire nos voluit.*

- r) Non hic operosius in ortum cunabulaque sacrorum Christianorum in Vngaria inquiremus, neque etiam examinabimus, vtrum ad Latinae, vel Graecae ecclesiae, industriam sint referenda. Sententiam nostram iam supra Cap. I. §. 2. seq. ingenue protulimus. Nemo profecto, nostra aetate, facile iam dubitauerit, S. Stephanum, Christianum iam fuisse, cum de ineundo matrimonio inisset consilia.
- s) Hoc forte tantum volunt Germanicorum annalium conditores, qui, Gisela ad cultum Christianum institutaque perduxisse, Vngaros sua in commentaria retulerunt. Ita namque multi Vngarorum tenaces erant cultus & instituto-

§. II.

Plus momenti habere videtur, quod ex consiliis, ad quae Petrus, ab Vngaris in exilium actus, se coniecerat, desumi solet argumentum. Quia enim Henrici III. imperatoris opera, regnum, quo, eundem, Abba, qui & Samuel audit, Vngarique anno 1041. depulerant, volebat recuperare: existimant nonnulli eruditi, eum, ad Augustum, qui iudicem, confugisse. Hunc dicunt, vi muneris & potestatis, quam ei, in Vngaros, adtribuunt, controuersiam hanc dirimere oport-

tutorum foedorum, quae, a maioribus acceperant, ut vi armisque, ad dimittenda eadem; debuerint impelli. Adferebant magno regi curas magnas, illi in primis Vngari, qui hodiernam accolebant Transiluaniam. Pro aris focusque pugnandum sibi esse existimabant, cum sub signa infesta confluere, aduersus regem suum, qui eis, rectam DEUM colendi viam ostendere volebat. *Annal. Hildesheim. ad an. 1003. Stephanus rex Vngariae super auunculum suum regem Iulium (Gyulam) cum exercitu venit, quem cum comprehendisset, cum uxore & filius duobus, regnum eius vi, ad Christianitatem compulit.* Eadem tradit *Anonym. Belae regis notar. cap. 27.* Videtur quoque huc intendere digitum ipse Stephanus, dum decretor. *Lib. I. cap. 2.* ita filium suum adloquitur: haec (ecclesia) fili charissime, in nostra monarchia adhuc quasi iuuenis & nouella praedicatur, cet. Haec dum adfirmo non nego, fuisse vnum vel alterum templum, aut oratorium, antequam S. Stephanus in lucem ederetur, excitatum. *Decret. enim S. Ladislai an. 1092.* publica donatorum auctoritate, *Lib. I. cap. 8.* haec prostant: ecclesias ex vetustate desolatas, episcopus re aedificet.

oportuisse, & vel Abbam, in imperio confirmare accepto, vel, eodem deiecto Petrum in scepra reponere (t). Mihi vero haec argumentatio admodum suspecta, immo falsa esse videtur. Petrus, qui, omnia, sibi, & Francis, quos Vngaris anteponebat, in Vngaria permittebat, pulsus, ad regem Francorum, Vngaris infensum atque inimicum (u), confugit: adeoque, habebat

- t) Aequaeui scriptores, suppareque nihil aliud perhibent, quam quod Petrus, auxilia Henrici, opera Adalberti Marchionis Austriae, adfinis sui expetierit imploraueritque. Legas *Alold, de Pekkarn ad an. 1040. seq. Herman. Contract. Lambert. Schaffnab. annal. Hildesb. ad an. 1041. seq.* His tamen ex testimoniis, nonnulli nostrae aetatis iuris publici Germanici historiaeque doctores, consieri existimant, regem Vngariae inter clientes Henrici Francorumque locum tenuisse. Vid. *Herman. Conring de finibus imperii, Burchard Gottbelf. Struue l. cit. Io. Petr. Ludwig in German. principe Lib. I. cap. 2. p. 48. solum*, inquit, *Vngariae regnum sponte rediit in Germanici imperii clientelam. Cum enim imperatoribus ea dogmata suggererent ipsi Pontifices Romani, omnia Christiana regna subesse imperio Romano, id etiam egerunt Germanici Caesares, ut Hungariam Christianam in suam reciperent clientelam. Paucis interiectis, scribit, Petrum pulsum, ad Henricum se contulisse litigiosae successionis iudicem. Probare haec debuisset eruditus vir, non adseuerare: in veteribus fideque dignis nec volam deprehendet nec vestigium.*

- u) Fuisse Henricum infenso in Vngaros animo, exinde colligo, quod hi anno 1040. Bohemos, qui ab imperio deficiuerant, milite iuuerint. vid. *Cosm. Pragens. Lib. II. Coron. Herman. Contract. annal. Hildesheim. ad b. an. Cur potius*

bebat hic nonnihil in Vngaros potestatis. Si ita rationes subducere licebit, nemo mihi vitio vertet, quodsi sequens duxero ratiocinium. Arnulphus dux Bauariae, ad Vngaros, anno 917. confugit, acceptus est ab eis hospitaliter, eorumque opera & auxiliis, ducatum, quem antea regebat, volebat recuperare, & rerum moderamen gubernaculaque Francica: ergo cliens erat gentis Vngaricae. Eadem valebant, de Conrado duce peraeque Boioariae, qui ad Andreae I. regis auxilia, se anno 1054. contulerat (x).

§. III.

Inflabis vrgebisque, fuisse Petro causas praegnantas, quae, eundem impellebant, ut ad Francos potius, quam vicinas gentes principesque, extorris se conferret. Id, uti non negauerim pertinacius, ita non difficulter possum causas has conquirere commemorareque. Prima erit, quod propter Germanos, quos administratos delegerat, sociosque crudelitatis, qua se exosum reddide-

potius imperatorem, qua directum dominum, non iuuit armis atque milite Petrus? cur inultum hoc relinquebat Henricus? cur Vngaros defectionis non accusabat? Cur ea ratione, qua Bohemos seditiosos, ad officium non renouauit? Notum praeterea est, & Henricum, & complures alios imperatores, omni studio nisque, in dilatandis finibus imperii, Vngarisque, suum sub imperium detrudendis, laborauisse.

- x) Legas de his *Alold. de Peklarn, Hermann. Contracl. Annal. Sax. Marian. Scot. ad b. an.* & alios annalium Franciae conditores.



diderat, solum vertere debuerit Vngaricum (y). Alteram crediderim eam fuisse, quod sciuerit, Henricum, limites imperii ad orientem prorogare, & gentem, quae plurimum noxae Francis adtulerat, ad imperiorum suorum obedientiam perducere voluisse. Suum vero in primis fauorem quaesivisse Henricum, ex eo non obscure colligebat Petrus, quod Burgundos, apud quos frater suus maior natu primas tenebat, a vicinis Francis auellere, & in fidem, quam Germanis, plus simplici vice promiserant, confirmare studuerit (z).

Non

y) Non esse conficta ea, quae de crudelitate, Petri, tradunt domestici, discas ex *Hepidan. annal. Allemann. ad an. 1048.* & in primis *Aloldo vicino aequaeuque scriptore ad an. 1039.*

z) Obscura haec sunt & perplexa, adeoque, quoad eius fieri potest, in lucem sunt collocanda. Primum vero & ante omnia notandum est, fuisse Petro fratrem Raynaldum, eumque, ante nostrum, editum esse in lucem. Petram, filium fuisse Wilhelmi, quem comitem vocant Pictaviensem, in propatulo est. *Alold. de Peklarn ad an. 1021.* Adalbertus marchio nuptias fecit, cum Albeide, quae fuit filia Quilielmi comitis Pictaviensis, & Giselaë sororis Stephani primi regis Vngariae & sancti: huius Albeidis frater erat Petrus, qui, post Stephanum, in regno Vngariae successit. Conf. eundem *ad an. 1040.* Et Petri, & Adelheidis soror erat Agnes, quam Henricus III. anno. 1043. tori sui fecit sociam. *Glab. Rodulphus Lib. V. Cap. I.* Henricus duxit uxorem filiam Wilhelmi Pictavorum ducis, nomine Agnetem. *Alold. de Peklarn ad an. 1041.* Adalbertus marchio, pro Petro, apud Heinricum III. regem, ei pariter adfinem, intercedens, ei auxilium impetrat. Eadem fere *Herman.*

Con.

Non fugiebat prouidum imperatorem, patrem Petri Wilhelmum Pictauiensem comitem, Burgundos, ab Henrico II. Rainoldum vero fratrem Petri, a Conrado II. & Henrico III. auertere voluisse. Agebant principes hi validi Burgundiae, communem, cum Ottone Campaniae regulo, caussam (a). Haec erunt, quibus

F 2

Augu-

Contrast. ad an. 1043. Wilhelmus hic, alias Otto vocatur, eratque pater Raynaldi ducis, quem alii peraeque, ut patrem, comitem vocant. *Anonym. vitae Halimardi Archiep. Lugdun. in Chronica S. Benigni saec. VI. Benedicti. P. II. §. 10. 11, p. 40.* Raynaldus comes dedit sancto Benigno, pro requie animae patris sui Ottonis vocati Wilhelmi -- in Evoregio terram. *Actum est hoc, ab incarnat. domini 1000. vigesimo sexto, post mortem Wilhelmi comitis, qui ipso anno obiit: Otto Frisingens. de reb. gestis Friderici I. Lib. I. cap. 29.* Raynaldus iste (nepos, vel filius Raynoldi, de quo hic sermo est) de antiqua illustri Burgundionum prosapia, originem trahens, illius Burgundiae comes dicebatur quae olim a Rudolpho rege, imperatori Henrico, Conradi filio, cum testamento relicta, regnum erat. Haec, si vera sunt, Otto, totum patrimonium Raynoldo filio reliquit, Petrum vero, in Vngariam, ad Stephanum regem misit educandum ibidem, & ad honores summos promouendum. Colligo haec, ex sequentibus *Otton. Frisingens. l. cit. verbis: mos in illa (Burgundia) qui pene in omnibus Galliae prouinciis seruatur, remansit, quod semper seniori fratri eiusque liberis, seu maribus, seu feminis, paternae haereditatis cedat auctoritas, ceteris ad illum, tanquam ad dominum, respicientibus.*

- *) Testis rei hujus est locupletissimus *Ditmar. Merseburg. Lib. VII.* Fuit ibidem (Argentorati) anno 1015. quo Rudolph. rex post sua fata, Burgundiae regnum, Henrico



Augustus, ad adfinitatem, cum Petro, fratreque eius Raynoldo contrahendam, prouocatus est. Iam certe anno

rico II. cognato suo promisit) *Rudolphi inclita coniux, quae filios suimet dominos sentoris (regis Rudolphi) autem sui priuignos, Caesari commendauit, & dilectis sibimet militibus, hoc totum dedit in beneficium, quod sibi, ab aumculo suimet, tum concessum, & quod Wilhelmus Pictaulensis (pater Raynaldi, & Petri) haecenus habuit regio munere praestitum. Idem Ditmar de Wilhelmo, paucis interiectis ita: Namque Wilhelmus praepotens vir, in his partibus, ut hoc omne comperit (de quo in congressu Argentoratensi transfegerat Henricus II. cum Rudolpho) eundem (Rudolphum) persequi, & ad ultimum fugientem eundem solum canibus praecepit inquiri. Paullo post haec, iterum: Wilhelmus comes, miles est regis in nomine, & dominus terrae. re, & in his partibus, nullus vocatur comes, nisi is, qui ducis honorem possidet. Confirmat haec Glaber Rudolphus in vita S. Quilicmi Abbat. Diuionens. cap. 17. saec. VI. Benedic. P. I. apud Mabillon. Godofredus atque Nitardus - - Quilicmum, cum comite maximae partis Burgundiae Wilhelmo - - adeunt. De Reginoldo comite vid. litt. praeced. Ausus est hic comes, anno 1041. ab Henrico deficere, Burgundosque, aduersus eundem concitare. Legas Hermann. Contract. ad an. 1041. seq. Bellum hoc pax excepit, & adfinitas, quam Henricus, cum Raynoldo, Petro, & sorore eorum Adelheide Austriaca, iniit. Hic vero Otto, seu Wilhelmus, habebat amplissima superiori in Italia bona. Dipl. Henrici II. in adpend. ad vitam Quilicmi Diuionens. §. 3. p. 348. habeat (Fructuariense monasterium) & teneat, quieto iure, castellum Langobardorum, cum omnibus suis pertinentiis, & omnia praedia illa & cortes, quas dedit Otto, qui & Wilhelmus comes, filius Adalberti, nepos Beren-*

anno 1043. sollempnia nuptiarum cum sorore eorundem
F 3

Berengarii regis, ipso loco, infra fines Longobardiae, exbaereditate parentum & propinquorum suorum. Haec si vera sunt, facile colliges, cur domestici, extraneiue scriptores Petrum, Wilhelmi gnatum, mox Theutonicum mox Venetum, vocent, licet hi in enarrandis natalibus agnatisque eius valde hallucinentur. Thurocz in Chron. cap. 34. Wilhelmus pater Petri regis, frater fuit Sigismundi (Rudolphi debebat scribere, licet nec huius frater fuerit), sed, post interemptionem S. Sigismundi, venerat ad imperatorem, (falsa haec sunt) quem imperator collocauit Venetiis (in Langobardia), cet. Ranzan. in epit. verum Vngar. ind. q. Hunc (Petro) pater fuit Wilhelmus natione Germanus. Bonfin. Dec. II. Lib. II. Petrus, Stephani ex sorore, nepos, & Quilielmi filius, Allemannico genere natus. cet.

Schema genalog. est iequens:

Berengar Italus, deuiſus ab Ottone I.

Adalbertus

Wilhelm seu Otto Piſtauienf. † 1026.
vx. Gifela soror S. Stephani R. Vngar.

Raynaldus, successit in patri- monio auito.	Petrus R. Vngar.	Adelhaide vx. Adalb. March. Austr.	Agnes vxor Henrici III. Imperat.
--	------------------	------------------------------------	----------------------------------

Notandum adhuc est, Wilhelmum seu Ottonem, illum esse ducem Venetorum, cui sororem S. Stephani collobatam esse nonnulli perhibent. Dantul. in Chron. ad an. 1009. erat dux (Otto) annorum 18. quo tempore; Vngarorum regis filiam, & sororem Stephani successoris traduxit in uxorem. Haec coniectura, si vera est, sine fundamento nostri scribunt, alteram sororem S. Stephani Wilhelmo Piſtauiensi, alteram Ottoni Venetorum duci nupſiſſe.



dem conficiebat (b). Ultimo, nec hoc silentio praetereundum est, communem aevi huius fuisse opinionem, impe-

nupsisse. Wilhelmus enim Pictaviensis, & Otto Venetus, unus sunt principis nomina. Ceterum, cur post Rudolphi ignavi fata, in regno Burgundiae, seu Arelatenſi, Henricus II. & hoc extincto Conradus II. filiusque eius Henricus III. succedere voluerit, Otto vero comes Campaniae, cum Wilhelmo & Raynoldo Pictaviensibus regulis, eidem contrarii fuerint, ex hoc Schemate intelliges.

Rudolphus II. R. Burgundiae.

Conradus R. Burgund. † 993.		Adelheida vxor. Ottonis I. Imperat.	
Rudolph. III. ignavus R. Burgund. † 1032.	Gisela, vx. Henric. II. D. Bauariae	Bertha vxor Eud. seu Ottonis C. Campan.	Gerberga vx. Henrici II. ducis Sueviae.
Henric. II. Imper. Roman. † 1024.	Gisela vxor S. Stephani I. R. Vngar. † 1038.	Otto seu Eud. inhiabat, post mortem Rudolphi ignavi regno Burgundiae † 1037.	Gisela vxor Conradi II. Imper. Henric. III. Imper. vxor Agnes Wilh. C. Pictau. filia

S. Emericus dux.

Sed haec curatius examinauerint rerum Francicarum scriptores.

b) Hermann. Contract. ad b. an. & alii littera praeced. commemorati.

imperatorem Romanum, totius orbis Christiani, esse iudicem Dominumque. Vi potestatis huius, quam deploranda aetatis huius peperit inscitia, tenebatur lites, quae inter Principes oboriebantur, cognoscere, dirimere, & illis, quos vis atrox deprefferat, opem ferre auxiliumque (c).

§. IV.

His expeditis, accedamus iam propius ad institutum. Communis scilicet eorum est, qui res gestas Germanorum, memoriae prodiderunt, opinatio, Henricum hunc, seu auctoritate summa, qua in Germania pollebat, seu armis victricibus, Petrum, in pristinum honorum fastigium repositum. Promeruisse, inquit, tantum Vngaricae gentis domitorem, ut quos sub iugum mittere poterat durum, si voluisset, in clientela sua fideque retineret. Factum id vero esse, aetatis, qua haec gesta sunt, scriptores grauissimos, mira perhibere

re

- c) Testes habeo locupletes annalium Germanicorum conditores. *Vippo* in *dedicat. vitae Conrad. II. apud Pistorium*: gloriosissimo imperatori *Henrico III. regi*, ad pacem & bellum idoneo, *Vippo DEI gratia, presbyter, seruis regaliū seruorum, totius orbis domino dominantium. Otto Frising. Chron. Lib. VII. Cap. 34. Ibi* (in *Boioaria*) eum (imperatorem) *Lableslaus*, supra nominatum *Boritium*, secum ducens, adiit, flebili & miserabili voce, querimoniam suam, de priuatione paterni regni deponens, quatenus auctoritate imperiali, ad quam totius orbis spectat patrociniū, ei subueniat, deposcit.

re consensione conspirationeque (d). Domestici nostri scriptores, cum multa alias, quam hi, euenisse commemorant tum in primis diminutam esse Maiestatem Vngaricam, restitutione hac, nemo eorum, quantum recordeor, commemorat (e). At, cum Anonymus noster apud Thuroczium, quem Bonfinius, alique sequiores sequuntur, longo post haec temporis intervallo vixerit, scripseritque, sine fundamento, eosdem, hoc in argumento, aequaueis anteponeremus. Qui ergo nos expediemus? facile, sine dubio, si nota uerimus, Petrum, non tam armis Francorum, auctoritateque Henrici, quam fauore Vngarorum, rerum modera-

- d) Audiamus *Vipponem* in vita *Conradi II. Vngaria*, quam idem rex *Henricus III.* nobili atque admirabili victoria domuit, & post victoriam (ergo non armis) sapientissimo consilio, sibi, & successoribus suis, stabilivit, cet. *Alold. de Peklarn* ad an. 1044. Petrus iterum rex in solium imponitur, & *Henrico* fidem iurauit, & quod regnum, eius beneficio acceptum ad imperatoris potestatem redire deberet. *Herman. Contrauct.* ad h. an. *Ouone* rege, vix fuga elapso, omnes Vngari, ad deditionem recurrerunt, subiectionem seruitiumque promittunt (scilicet Petro). Ipse vero (*Henricus*), ut erat per omnia piissimus, Petrum regem, dudum expulsam, regno suo restituit.
- e) Tradunt nostri, *Abbam*, ob crudelitatem, qua Petrum superabat, in contentum deuenisse, aduersariumque eius ad imperium recipiendum fuisse reuocatum. Quae si vera sunt, non tam *Henrico Augusto*, quam ordinum singulari propensione, debebat, quae recuperauerat, sceptrum. *Legas Thurocz. Bonfin. Dec. II. Lib. II.*

deramen refumfiffe. Crujelitas, cui fe impotentis animi rex Abba, totum tradiderat, ita eum reddidit exolum, vt Petrus ad noua confilia, gentem Vngaricam, obediẽtorem, quam crediderat, tertia in expeditione, deprehenderit. Sperabant Vngari principem hunc, tantis aduerfitatum procellis exagitatum, maturiora reportaturum in Vngariam confilia (f). Si, prima ſtatim expeditione Henricus, vires Vngarorum adeo infregerat, vt eos, ad dimittendum Abbam impulerit, cur permifit, vt ſummam rerum, ad alterum potius Principem, quam ad eum, quem reducere volebat, deferrent? permififfe vero id eundem; auctor, cui fides denegari nequit, commemorat (g). Si vero, quod prima

- f) Ita noſtri rem tradunt, *M. Thurocz Chron. cap. 37. Bonfin. Dec. II. Lib. II. Contrañt. vero ad an. 1044.* haec commemorat: omnes Vngari, ad deditionem regi (Petrum intellico) cateruatim concurrerunt, ſubiectionem ſeruitutemque promittunt (Petro). Idem, ante haec, perhibet Henricum, validum Abbae exercitum, cum mediocri manu, apud flumen Rabam proſtigaffe. Deſerebant ſcilicet multi Vngari ordines, & ad partes Petri tranſibant cateruatim. Tradit id non obſcure *Alold. de Peklarn* ad an. 1044. apud Rabam finium, apud Iauerenk (Iaurinum) penitus debellarunt Ouonem, quem ſui plurimi in bello deſeruerunt, fuga elapſum, proprii ſubditi occiderunt. Idem locit ſcribit, Abbaẽ ergo ſubditos ſuos inſoleſcere, & religionem Chriſtianam tollere non dubitaſſe. Conf. *Herman. Contrañt. & Lamb. Schaff. ib. ad b. an.*

- g) *Hermann. Contrañt. ad an. 1043.* ſed, cum Petrum regem, quem ſecum ducebat, nulla ratione provinciales recipere conſentient,

prima atque altera necdum potuit, tertia exsequutus est felicius expeditione, cur, pacata non nisi Vngaria, suam in fidem reuocauit Petrum? cur rem ita non instituit, vt rex, ordinibus adficientibus, suam in clientelam concederet (b)?

§. V.

tirent, alium quendam, quem petebant, ducem eis constituit, quem tamen statim, post discessum eius, Ouo rex, de provincia sua, in Bobemiam depulit. Eadem repetunt *Annal. Hildesb. & Marian. Scotus ad b. an.* Alias tamen rem hanc exponit *Alold. de Peklarn* ad an. 1042. Pannonii coguntur vel Petrum recipere, vel alium e suis ducem sequi, quem rex *Heinricus* deputauit, deposito *Ouone*. Sed, quia Vngari, neque Petrum, neque nonum ducem volebant: Ouo tandem se valde humilians, impetrauit ab Henrico, vt sibi regnum promitteret. Addiderat ille precibus etiam dona. Si quid de his iudicare possum, confundit *Aloldus*, alteram, cum prima expeditione. Prima, in locum Abbae, Vngaricus aliquis princeps, forte *Andreas*, vel *Bela*, in Principatum fuerat euectus, altera vero *Abba*, certis confirmatus legibus. Ita enim *Lambert. Schaffnab.* ad an. 1043. rex, secunda expeditione, *Vban* (Abbam) ad placitam sibi pacem coegit, acceptisque, ab eo, de pace, iuramentis & obsidibus, reuersus. Eadem habet etiam *Herman. Contrañ. & Chronogr. Saxo*, ad b. an.

- b) Occisus est *Abba* ab Vngaris. Delapsus vero eundem in grauiora, quam ea fuere, quae in Petro nostri reprehendebant scelera, *Aloldus* quoque de *Peklarn* testatur. Ita enim ad an. 1043. Ouo fiduciam habens, de gratia sibi, apud regem *Henricum* firmata, erga subditos suos insolefcit, & religionem quoque Christianam tollere nititur.

§. V.

Quia vero nihil magis sententiae, quam propugnatus, aduersum est, quam sollemnis hic actus, quo, Petrus, euocato Henrico imperatore in Vngariam, regnum Vngariae, in clientelam tradidit: ostendendum iam est, eundem, per id nihil in imperatorem & imperium potestatis transferre potuisse. Euocasse Petrum, Henricum, in Vngariam sollemni ritu, & clientum eius numerum augere voluisse, ex Hermanno in primis Contracto amalium Germanicorum conditores ostendunt (i). Quam tamen parum his in verbis praesidii deprehendant, erudite nuper ostendere voluit Reuer. P. Georg. Pray in annal. regni Hungariae in vita Petri pag. 49. (k). Ita nos quoque nodum hunc gordium soluendum esse

G 2

exi-

- f) Contractus ita rem ad an. 1045. exponit: *Petrus rex Vngarorum Henrico rege ad se inuitato, regnum Pannoniarum tradidit, quod tamen ab eo, ipse dum obtineret, possidendum recepit.*
- h) In vita Petri p. 49. sed, cum, inquit, *Pistorius & Vrstifius Chronici huius editores, testentur, vetus, cum nouo, ad an. 375. congruere, in caeteris autem annis discrepare; praeterea Canisius, qui locupletiore editionem fecit, fateatur, descriptores huius Chronici, pro sua captu, iam quaedam adiecisse, quaedam contra rescuisse, incertum prorsus est, quae editio, prae caeteris, fidem mereatur, cum, una, ex his, solium babeat, Vngaros petiisse: ut ad normam Boiariorum regerentur, ex quo opinor, non recte deducitur. Caesaribus quidem iuris in Hungariam fuisse, nisi ad summum protectionis, ut dicimus, quod ipsum tamen ex Andreae rebus, vehemens dubium fuisse liquet.*

existimaremus, si solus esset, aetatis huius auctor, qui haec in commentaria retulit, Hermannus. Sed, cum alii etiam, quorum auctoritas, apud eruditos, magna est, idem perhibeant (1): alia exquirenda erunt arma. Mihi profecto, quidquid est difficultatis sustulisse videtur feliciter Illustris Ad. Franc. Kollar. Ita enim sententiam suam profert: etenim, quod is (Petru:) grati animi sui ergo, offerre Caesari ausus est, id ad gentem uniuersam non pertinet, cuius assensus, ut homagium esset legitimum, erat necessarius (m). Adfinia his tradit ipse eruditus P. Pray, l. cit. (n). Nisi ergo aduersarii probatum dederint,

D) Alold, de Peklarn ad an. 1044. Tunc Petrus iterum rex in solium imponitur, & Hainrico fidem iurauit, & quod regnum, eius beneficio acceptum, ad imperatoris potestatem redire deberet. Vippo in vita Conradi II. imperatoris: Vngaria, inquit, quam idem rex Henricus III. nobili atque admirabili victoria, domuit, & post victoriam (adeoque ultimam post expeditionem contra Abbam) sapientissimo consilio, sibi, & successoribus suis, stabilivit. cet. Immo ipse M. Thurocz l. c. Cap. 38. sequenti anno reuersus est Caesar in Vngariam, cui Petrus rex in ipsa paschali sollemnitate, regnum Vngariae, cum deaurata lancea tradidit, coram Vngaris, simul & Theutonicis multis, etiam insuper & magnificis muneribus.

m) In historia diplom. iuris patronat. Lib. II. cap. 7. Idem Lib. I. cap. II. ita: in ista rei publicae ratione, consensus dum, procerum, populiue, erat necessarius, ut regnum cuiuspiam donari legitime, liberatisque reges eligendi limites restrin- gi possint.

n) L. cit. p. 50. sed cum nostri haec silentio praetereant, & credibile non sit. Hungariae proceres, nisi armorum vi ada-
ctos,

rint, Petrum, haec, adficientibus Vngaris, fecisse, oleum perdent operamque. Inuitis tamen, & quamplurimis insciis etiam, alienationem hanc facere voluisse regem, motus, quos eadem peperit, educere. Non erant tam obtusi ingenii Vngari, vt, quo animo, haec fecerit intentioneque Petrus, perspicere nequiuissent. Obseruabant, eundem, dimisso Henrico, ad genium rediisse, secreta cum popularibus colloquia fere, tristissimaque crudelis animi edere coepisse documenta (o). Ea ex ratione, par priori, immo funestius renatum est bellum. Vngari enim, euocato ad imperium Andrea, cognato eiusdem non prius ad otium rediere, quam deuicto & custodiae tradito rege, qui caesus, Austriam versus fugere, seque fidei expertae Germanorum committere volebat (p). Haec, quum ita habeant, mirari satis nequeo, quod viri, de historia & iure publico Germaniae immortaliter meriti, alie-

G 3

nario-

tos, in haec pacta consensisse, praeterea, nemo Caesarum, praeter Henricum, quodsciam, sibi quidquam praerogatiuae in Hungariam arrogarit, verisimile est, aut nihil ex Petri cessione iuris, in Germanorum reges, traductum fuisse, aut si quid isthinc iuris obortum fuit, magis ex Petri libidine, quam Vngarorum consensu obortum esse, censendum est.

o) Alold. de Peklarn ad an. 1045. Petrus, apud Vngaros, in priora vitia relabitur, & noua apud subditos, odia contrahit. Thurocz. cap. 39. Petrus rex, per potestatem regis Theutonorum elatus, non iam regnabat, sed potius tyrannidis suae crudelitate, Hungariam deprimendo, flagellabat.

p) Legas Alold. Hermann. Contr. Lamb. Schaffnab. alios, ad an. 1046. & Pray l. c. p. 51, seq.

nationem, quae nulla erat, Germanis ius in regnum Hungariae adtulisse existiment (q).

§. VI.

- 1) *Herman. Conring. de finibus imperii*, *Henric. de Cocceis in comp. iuris publ. cap. V. sect. I. §. 7.* *Gabr. Schweder in introd. in ius publ. imperii Rom. German. P. Gen. cap. 4.* *Burch. Gottbelf. Struue in corp. bistor. German. Per. VI. Sect. II. in vita Henrici III. §. 3.* *Io. Petr. Ludw. in Germ. princ. in singular. iur. publici*, *Sim. Erider. Habn. in vollständiger Einleitung zu der deutschen Staats- Kriegs- und Kaiser Historie*, *et. in vita Henrici III. Io. Iacob. Mascoutius in comment. de rebus imperii Lib. V. cap. 23.* & *in principiis iuris publici imperii*, *Lib. II. cap. 2. §. 40.* reliqui rerum Germanicarum scriptores. *Io. Petrus Ludw. in discours über Herrn Burchard Gottbelf. Struuens Einleitung zur deutschen Reichshistorie p. 213.*, ita audacter scribit: Auch hierinnen sind die Ungarische Scribenten sehr seltsam. Denn, es gehen selbige vor, daß der Kaiser hierunter, nicht als necessarius iudex, angesehen worden, und daß unsere deutsche Scribenten nicht mit den Ungern, hierunter übereinkommen. Allein, da diese Dinge alle von dem Kaiser, ex officio angenommen worden, und gegen die Ungarische Stände, mit Gewalt derer Waffen bescholten worden; so ist es wohl mehr als zu klar, daß Ungarn dem Kaiser nicht als einen Schiedsmann, sondern als einen Richter consideriret. Vtinam Ludwig, quae hic dicit, probasset! sed, nullibi ostendit, nec ostendere poterat, legitimo iure, potestatis quid, imperatorem imperiumque, in Vngaros, & regem eorum consecutum fuisse. Quorsum ergo haec dictatoria verba? *Mascou. in principiis iuris publ. Lib. II. cap. 2. §. 41.* sed, turbata sub Henrico IV. republica, plenam libertatem resumit, atque illibatam servauit. At, resumere non habebat necessum liber-

§. VI.

Expediōra iam erunt, quae hanc in rem, ex euentis Vngaricis fequentium adducuntur temporum. Sequemur ordinem, quem ipfa rerum confeutio fupeditat, &, quae facies fuerit maieftatis Vngaricae, Andrea I. regnante, contemplabimur. Hunc & principio ftatim imperii, & poſtea, plus ſimplici vice, in fidem Henrici redire voluiſſe, ex priſcis oſtendunt, qui nobis hic ſunt contrarii, litterarum monumentis (r). Ego quidem haec inficias ire nolo, exiſtimo tamen parum ad praefentem rem facere. Probandum enim eſt, ordines etiam regni, in eandem, cum Andrea abiuiſſe ſententiam. Cur Henricus legibus his, quarum Andreas rex copiam facere volebat, inire pacem recuſabat? Debit ſcilicet cognoscere, non deeſſe Andreae artem ad conciliandos Vngarorum animos, & anteuer-
tenda

libertatem, qua ſub Henrico III. non exciderat Vngaria, illibatam vero ſemper ſeruaviſſe eandem, certum eſt. Ceterum, aequiores curatioresque rerum Germanicarum ſcriptores, cum Maſcouio, Vngariam, hac ſola occaſione, ad imperium deueniſſe, ſcribunt.

- r) Conſulas *Alold. de Peklarn, Herman. Contraſt. Annal. Hildeſb. Lambert. Schaffnab. ad an. 1047. ſeq. &, ex his, recentiores, quos iam litt. praeced. excitauimus. Inducias ſemel atque iterum, tributo redemiſſe Andream, iidem quoque veteres ſcribunt. Nec id negauerim: vt tamen ad fidem ſe obedientiamque imperiorum Henrici Vngari compoſuiſſent, nulla id a ſe ratione impetrari ſunt paſſi. Legas quoque patrios ſcriptores *Thurocz cap. 99. ſeq. Benſen. Dec. II. Lib. II.**

tenda Germanorum consilia perniciabilis. Cur, pace, qua, bellum, non sine utriusque gentis iactura gravissima diutius protractum, & non nisi anno 1052. confectum est, nihil iuris in regnum Vngariae sibi vindicavit? cur, adfinitate, non fide, se; cum rege Vngariae colligavit (s)? Causa alia nulla est, quam quod rex noster omnibus artibus belli eum sit ludificatus. Haec tamen adfinitas, quam Vngaros omni iam metu soluisse videbatur, novam malorum molem attulit. Cum enim Andreas ope & consilio adfinis sui, Henrici IV. conniteretur, summam rerum, sua post fata in filium suum Salomonem, fratre Bela, ejusque gnatis Geysa & Ladislao exclusis, transferre: hi, anno 1058. ad vim se contulerunt. Andreas in discrimen adductus graue, filium, coronam, thesaurosque, vicinam in Austriam, tempestive promouit. Antequam tamen maiores expeditionesque copias accepisset, armis, cum hoste, congressus est, funestumque sibi conscivit exitum (t).

§. VI.

- s) Pacem procuravit cura exquisita prudentiaque Leo IX, Pontifex, quem uterque rex arbitrum esse volebat, amicitiaeque instauratorem. *Alold. de Peklarn ad an. 1052. Hermann. Contract. ad an. 1057.* Promissa est Salomoni Sophia, ea lege, ut hic, post fata patris, Vngariae sceptrum teneat habenasque. vid. cit. in primis *Alold. ad an. 1058.*
- t) Legas *Alold. ad an. 1060. seq. Hermann. Contract. Lamb. Schaffnab.* Confer etiam *M. Thurocz Chron. cap. 44. Boufin. Dec. II. Lib. III.* Hic iterum tela quaerunt non-



§. VII.

Salomonem, auxilio Henrici regis regnum Vngariae recuperare, hocque, sacro Romano Germanico imperio, fiduciarium reddere voluisse, omni caret dubietate. Factum tamen id esse inuitis Vngaris, quibus facile concesserit, qui, apud animum considerauerit, Salomonem, quidquid Henrico promissit, in exilio promississe. Sed, non prorsus inanis esse videbatur Germanorum in restituendo Salomone opera. Anno enim 1063. Geysa dux, pacem anticipi belli euentui anteferebat, tutum eidem in Vngariam reditum pristinumque decus regium, certis legibus, reddebat. Eo vero memorabilior erat haec imperii recuperatio, quod ipse Henricus 13. aetatis annum agens, copiam sui, cum ea accideret, Vngaris fecerit, eosdemque ad obedientiam imperiorum Salomonis, verbis excitauerit. Exponunt rem, non Germanici tantum scriptores (u); sed patrii etiam, in primis Anton. Bonfinius. Hunc tamen

nonnulli dissentientes, perhibentque, propterea, ad Germanos, Salomonem, exsurgente hac procella, se contulisse, quod regis eorum cliens fuerit. Vide iterum instar omnium Io. Petr. Ludwig in *German. principe l. cit. p. 49.* ubi haec subnectit: *inauguratus Hungariae rex, Caesari imperioque formulam fidei & clientelae firmavit religione iurisiurandi.* Optassem, ut haec Ludwig, vel diplomate, vel decretis regis huius probasset.

- u) Excutiendi, prae reliquis, *Alold. de Peklarn, Herm. Contract. Lamb. Schaffnab. & Chron. Mellicense ad b. an.*

tamen merito rideas, quod, quum haec enarrat, Oratoris magis, quam historici, videatur defungi munere. Adolescenti enim regi Henrico, grauem orationem, qua inconstantiam Vngarorum acrius castigat, inconsideratius adtribuit (x).

§. VIII.

Actus alterum anno 1071. in exilium Salomon, omnia exquisiuit, quae ad subigendos Vngaros, Gey-famque & Ladislaum reges deuincendos pertinere videbantur. Voluit iterum, legibus illis, quibus iam antea, concedere in fidem & clientelam Henrici imperii-que (y). Quia tamen parum auxilii, a Germania, quae, graue, in visceribus suis, sentiebat bellum, poterat exspectare, perditis iam propemodum rebus ad
Cuma-

x) Adeas eundem *Dec. II. Lib. III.* Extrema verba haec sunt: ego vero, quem iusseritis, regem Salomonem, augusti auctoritate confirmabo. Conf. *Thurocz. cap. 4. Ranzan. ind. 10.*

y) *Lambert. Schaffnab. ad an. 1074.* & in primis litterae quibus Salomonem exulem verbis verberat durioribus, quod, ad Henricum potius, quam ad se confugerit. Tu, inquit, in ceteris quoque, a regia virtute & moribus, longe discedens, ius & honorem sancti Petri, quantum ad te, inmi-nuisti & alienasti, dum eius regnum, a rege Teutonicorum, in beneficium, sicut audiui-mus, suscepisti. In alia ad Gey-fam data epistola, ita haec exprobrat: quod (regnum Vngariae), quia consanguineus tuus, a rege Teutonico, non a Romano Pontifice, usurpatius obtinuit, dominium eius, ut credimus, diuinum iudicium impediuit. Vide vtramque epistolam apud *P. Prayl. c. p. 74. seq.*



Cumanos atque Graecos, anno 1086. se conuertebat (2). Iudicem forte compellabunt orientis imperatorem, quem, litem, Salomonem inter, & Vngaros, diutius protractam, componere oportebat. Ita omnino argumenta neſtere poſſunt, qui Ioan. Petri Ludwig veſti- giis inſiſtere volunt. Sed cui nugae hae placebunt?

§. IX.

Dedit Salomon rem mali exempli, compluribus principibus regiis, qui, ad res nouandas, animum, poſt eum, adpellebant. Quoties namque ſibi regem iniuriam intuliſſe exiſtimabant; toties, eandem fraudis viam inibant. Ad vicinos omnino ſe propieiebant Prin- cipes & turbas in Vngaria, licet numquam fere ſucceſ- ſus conatis reſponderit, excitabant. Fecit id, Colo-
H 2 manno

- 2) *Anna Comnena Alexiad. Lib. VII.* Conf. patrios quoque ſcriptores, *M. Thurocz Chron. C. 56. Tim. ad b. ar.* Quo ſit, poſt collata, cum Vngaris, infeliciter ſigna, delatus, deuictus Salomon, intricata eſt inter eruditos diſceptatio. Plerique volunt, eundem, ſacrum cum militari commu- taſſe genus, Polaeque in Aſtria e vita abiſſe. *Leg. Bon- fin, Dec. II. Lib. IV.* Ego, cecidiſſe eundem in proelio, vt credam, ſequentibus *Bertoldi Presbyteri Conſtantiens. ad an. 1087.* inducor verbis: *Salomon quoque rex Vngarorum, ſed, a Ladislao, iam regno priuatus, & in exilium expulſus, dum quidam fortiter contra (forte cum) regem Graecorum molitur, poſt incredibilem hoſtium ſtragem, & ipſe viriliter occubuit.* Haec ſi vera ſint, quid iudicandum ſit, de iis quae *P. Pray loc. cit.* commemorat, facile quiſque col- legerit.

manno, Geyſae I. filio, ad clauum ſedente, frater eius Almus, qui, id in primis praecauendum eſſe re-
batur, ne, exſtincto Colomanno, filius eius Stepha-
nus II. ſibi anteponeretur. Quum ſpei parum facerent
Vngari, ad propositum hoc promouendum, ad Hen-
ricum V. imperatorem potentem, ſe recepit, eidem-
que Vngariae debellandae exſtitit auctor. Praebuit prin-
cipi huic patulas aures inſatiabilis animus imperatoris,
qui, omnes fere imperii vires, in vnum Colomannum
conferre non dubitabat. Duſtu tamen & auſpicio re-
gis feliciter, aduerſus eum, res eſt anno 1108. geſta,
neceſſitasque, hoc adhuc anno, impoſita, ordines ad-
tritros ad patrios reducendi lares (a). Conſurgunt hic
iterum, quibus contra ire non dubitamus, eruditi, ex-
clamantque adeſſe, nouum poteſtatis, quam impera-
tori deferunt, in Vngaros, regemque eorum argumen-
tum. Cur? quia refugium quaefiuit, apud Auguſtum, Al-
mus, eiusque opera, ſibi regnum volebat adſerere (b). At,
memi-

- a) Cauffas belli Colomanno anno 1108. denunciati varias adducunt doctores, quas in compendio tradit *Frid. Sim. Habnſius* in der Reichshistorie P. III. Cap. III. §. 3. Genuinas eas eſſe, quas adtigi, diſcas ex *Ottone Friſingenſi Chron.* Lib. VII cap. 17. *Conrad. Viſpergens. Annal. Sax.* Dlugoffo hiſt. Polon. Lib. IV. ad an. 1108. & patriis ſcriptori-
bus, *Thurocz* cap. 60. *Bonfin. Dec. II. Lib. V.*
- b) *Excute Struu. l. cit. Io. Petr. Ludwig* in Germ. Principe, & in diſcours über D. Struuen Reichshistorie, ubi ita audacter: als Richter, und gar nicht als Schiedsmann: Colomannus und Almus Brüder, davon der letztere zum Kaiſer ſich, als Lehnrichter, gewendet.

meminerint graves viri, eundem, a Germanis, ad Romanos, qui in oriente erant, transiisse (c), ab hisque, auxilia, quorum Germani facere non poterant potestatem, expetiisse. Quis vero his aliquid iuris in Vngariam adtribuet? Obiecit se, omnibus his tempestatibus, victoriis pluribus insignis Colomannus, &, non solum auertit hostem gloriose, sed auxit etiam maiestatem Vngaricam, post Croatiam, Dalmatiamque, Halicia subacta (d).

H 3

§. X.

c) *Tburocz Chron. cap. 60.*

d) De Croatia atque Dalmatia res satis est expedita, legas *Luc. Lib. III. Cap. I. seqq.* Halicia, quam Galiciam etiam vocamus, perplexa admodum, Oedipumque deposcens. Pugnasce, eundem, aduersus Ruthenos, sed inauspicato, nostri quoque admodum confuse tradunt. *M. Tburocz cap. 60. Bonfin. Dec. II. Lib. V.* Si Polonicos antiquiores diligentius lustrauerimus annales, haud difficulter colligemus, regi nostro, cum Russis non minus, quam Polonis, lites fuisse, bellaque, ob ditiones Russicas. Videntur quippe Poloni non minus, quam Vngari; Haliciae, vicinisque prouinciis inhiasce audius, *Bogupbalus II. episcopus Posnaniensis in Chron. Polon. cum continuat. Paskonis custodis Posnaniensis apud Frid. Wilb. de Sommersberg in Silesiac. rerum Scriptor. T. II. p. 30.* Boleslaus (III. dux Polonum) duxit uxorem - - - filiam regis Haliciae uniceam. de qua genuit Vladislauum II. & unam filiam. Idem auctor 1. cit. p. 36. *Iste Boleslaus, filiam suam, de Ruthena genitam Colmanno (lego Colmanni) Regis Hungarorum filio matrimonialiter copulauit. Qui, nomine dotis, castellaniam de Spiffz, quoad viueret, possidendam assignauit. Quem Colo-*
man.

Post excessum Stephani II. Boritius, quem Germanici

mannum (Colomanni filium), una, cum rege Hungarorum, Haliciensibus in regem praefecerunt, ipsum coronari facientes. Dlugossus in *hystor. Polon. Lib. IV. ad an. 1103.* Colomannus Vngariae rex, filio suo, natu maiori Stephano, filiam Juditham, Boleslai Polonorum ducis, desponsat uxorem. Provinciam Scepusiensem, quae, tunc temporis, iuris Polonorum fuit, & pars non modica in terra Cracoviensi consistebat, Boleslaus, filiae, in dotem assignat. Ab eo quoque tempore, sequestrata a Polonia, in proprietatem & ditionem Vngarorum transit. Haec Dlugossus de connubio Stephani II. de Halicia nihil. Aut me omnia fallunt, aut iam S. Stephanus rex Haliciam tenuit, eandemque, per filium Emericum rexit. Colligo hoc ex *Annal. Hildesb. qui ad an. 1031.* haec habet: *Heinricus Stephani regis filius, dux Ruizorum, in venatione ab apro discissus, periit flebiliter mortuus.* Quam hic intelligit Russiam? sine dubio, Vngariae atque Transilvaniae vicinam. Adeoque, partem Russiae rubrae, ad Carpatum retrusam, in qua est Halicia. Post bella & contentiones multas, Colomannus, cum Polono, foedus iniisse, illeque Russiam, de qua hic sermo est, retinuisse videtur. *Bogupbal. l. cit. cap. 39. linea extrema: Qui (Rutheni) Haliciensem regem, Principis Boleslai generum, a regno eiiciunt, qui, ad regnum Boleslai socii sui confugiens, apud ipsum, cum uxore, aliquamdiu fuerat commoratus. Mox pag. 40., Pannonii quoque, Haliciensii regno contigui, & de Ruabenorum astutia non ignari, querelas, calidissima astutia, commentatas, deplangunt, subsidiari deprecantes, ut regem propulsatum regno restituant, cet. Dlugoff. Lib. IV. ad an. 1137. paullo aliter euen-*

eventum hoc obscurum commemorat. Tradit enim Iaroslauum, Haliciae ducem, a Russis actum in exilium, ad Boleslaum ducem Polonorum confugisse, & a Polonis acceptum esse liberaliter. Post aliquot tempus, Halicenses, ad dolum se conuerterunt, & principem suum, per legatos, repetierunt, rogaruntque, ut Boleslaus, eundem, reducat in provinciam pacatam. Accesserunt Vngarici Oratores, promiseruntque suam operam & auxilia Polono. Hunc incautum, verbis dedisse locum in animo, & abiuisse parua cum manu in Haliciam; circumdatum tamen ab hostibus, cladem hausisse funestam. Non est praetereundum, Boguphalum l. cit. scribere, Iuditham Polonicam, post mortem mariti prioris Stephani, Russico nupsisse principi, Haliciamque retinuisse. Si fidem, ea, quae Boguphalus narrat, merentur, uterque Princeps ex Russica hac Principe, complures sustulit filios. Haliciam, post fata Iudithae, primum filius eius, quem posteriori peperit marito rexit, postea vero, hoc extincto, Lodomerus Stephani filius eam est consecutus. Ita laudatus auctor pag. 48. *Kazimirus gloriosus victor de Ruthenis existens, sororis suae primogenitum - - - de regno electum principem, Haliciensibus restituit. Qui, post recessum Kazimiri auunculi sui veneno a suis propinato, fuit extinctus. Qui, in regno Haliciensi, Lodomerus frater eius per matrem, Kazimiri sororem successit. Fertur namque, & in quibusdam chronicis scriptum reperitur, sororem Kazimiri praedictam, filiam Boleslai Crziuousti, primo filium regis Pannoniorum, virum habuisse, de quo hunc Principem restitutum genuerat, antequam vir eius de regno fuisset electus. Mortuo autem filio regis Pannoniorum, viro eiusdem, Boleslaus Crispus, ipsam cuidam Principi Russiae dederat in uxorem, de qua plures filios procreauerat, in Aliciensi principatu agens, & cum primogenitus eiusdem nepos Pannoniorum regis regnum Haliciense, a fratribus, & a vitrico restitui,*

tui, veluti primogenitus, & ad ipsum, ex successione paterna speratam, mater eius, ad iussum viri, ut creditur, negabat ipsum filium suum esse, asserens, suppositum viro suo primo gratia complacendi. Confusa omnia & perplexa. Si quid coniectura assequi videor, existimo, auctorem, vxorem Colomanni posteriorem Ruthenam, confundere cum vxore filii eius Stephani II. Deinde, videtur mihi confundere Iuditham, matre Russica natam, cum eius consanguinea, qua cum Colomannus anno 1112. matrimonium iniit. Forte promouit illud Boleslaus rex Polonorum, extremis Colomanni annis, Halicioque eo perduxit, vt, se, vel regi huic, vel filio eius Stephano, subderent. Nisi forte dicas, Almum, cum Iuditha Polonica, vel alia Russica Principe, iniisse connubium, & de eo valere, quae de Colomanno scriptor hic antiquus tradit. *Dlugoff. Lib. VI. ad an. 1193.* scribit, pacem inter Belam, & Polonos coaluisse, ea lege, vt Bela, *Vngariae rex, suo amplissimo Hungariae regno contentus, regiones Ruthenorum, ad Poloniae regnum, spectare permittat.* Haec, si vera sunt, Bela II. aliquid iuris sibi in Haliciam vindicabat. Vnde illud deriuabat? non a nuptiis Stephani, cum Iuditha; adeoque, a Colomanni aetate. Nostris scribunt, Andream II. Halicia auxisse Hungaricam maiestatem. Vid. *P. Samuel Timon in imag. Hungariae nouae Cap. XIII.* *Dlugoffus* vero auctor est *Lib. VI.* Belam III. iam, Haliciae, filium suum, Andream, cum imperio, praefecisse. Haec, quomodocunque se habeant, vix tamen vmquam probabitur, Iuditham, Stephano collocatam esse, cum ille vnam tantum habuerit vxorem, quam anno 1125. tori sui fecerat sociam. Vid. *Thurocz l. cit. cap. 63. Ranzan. ind. 13. & Bonfin. Dec. II. Lib. VII.* Praeterea, exploratum est, Stephanum decedentem, nullam reliquisse prolem, & propterea fratrui Bela II. imperium tradidisse. Nihil moneor, quod *Dlugoff.*

manici scriptores filium Colomanni fuisse (e), nostri ve-

ro

l. cit. Cromer. de reb. Polon. Lib. V. immo & Boguphalus l. c. Stephano, liberos adtribuunt. Nihil hac de re in patriis, nihil in Germanicis deprehendo annalibus. Boritius, dicebat se fratrem Stephani II. & propterea, eius post obitum, ad scepra Vngarica adspirabat, sed, praeter eum, nullus alter Princeps. Castellaniam vero Spissz, cuius Boguphalus, & qui eundem sequuntur, meminerunt; non existimo, Scepusiensi in prouincia, esse quaerendam, sed in Pocutia hodierna ad Carpati radices, prope Haliciam. Prostat, nomen hoc, nostra quoque aetate, in nonnullis tabulis Geographicis. Placet hic iterum *Boguphalus* loquentem *l. cit. p. 36.* adducere: *Boleslaus*, inquit, *filium suum, de Rathena genitam, Colomanno (lego Colomanni) regis Hungarorum filio, matrimonialiter copulauit. Qui, nomine dotis, castellaniam de Spissz, quoad viueret, possidendam assignauit. Quem Colomannum (Colomanni filium) una cum rege Hungarorum, Haliciensibus in regem praefecerunt, ipsum coronari facientes. Cuius coronationem, rex Boleslaus, prout erat creditulus, per regem Hungariae dolose circumuentus, castellaniam de Spissz, & loco eiusdem, castellaniam Przemisiensem nomine dotalitii filiae suae recepit. Aut me omnia fallunt, aut Scriptor hic, castellaniam Spissz, prope Haliciam, collocat. Pertinuisse vero iam ante Colomannum regem, Scepusium, ad Vngaros, ex Cosina Pragensi, qui anno 1124. viuere desiit, evidens est. Recitat is Lib. III. Chron. ad an. 1088. Henrici IV. Augusti instrumentum, quod eundem, signantem; se vidisse scribit, & ex hoc scriptore Melch. Goldastus in comment. de regni Boemiae iuribus ac priuileg. in adpend. docum. num. IX. in quo haec deprehendes: inde, ad orientem, bos finitios, habet terminos (episcopatus Pragensis) Bug scilicet & Ztir, cum*

Kra-



mus iterum, Boritium, ordines quoque Polonicos (b), atque Graecos, plus simplici vice, aduersus Vngaros duxisse (r). Nihil tamen extranei poterant, incoepa eius foeda, promouenda, contribuere, quin potius nostris vincendi hostem fortunam offerebant. Ni inquietus Boritius, anno 1156. in praelio, quo, cum Vngaris, congressus est (k), cecidisset; agros Vngaricos cum caedibus ac incendiis fuisset perpopulatus. Post Conradum, Fridericus I. si, per bella gravissima, quæ
I 2 eum,

stisiana Lib. I. cap. 30. qui (Austriaci) responderant, se, nec pro Romanorum principe, nec pro duce suo, hoc fecisse, sed pro Domino suo Boritio. Notent haec bene, qui, hac ab expeditione Germanica, argumenta petunt pro iure imperatori & imperio in Vngariam adferendo. Struue l. cit. Ludwig in Germ. Princ. P. I. cap. I. Nihil facit ad rem, quod Otto Frising. Chron. lib. VII. cap. 19. scribat, Vngarorum regem, terrore perculsum, multa & magnifica munera, Conrado submisisse. Quis hinc concludet, regem nostrum, partem imperii Vngarici, imperatori & imperio cessisse?

b) Otto Frising. Chron. Lib. VII. cap. 31. & de gestis Frider. I. Lib. I. cap. 30. Alberic. Monach. trium sentium ad an. 1135. Thurocz cap. 61. Bonfin. Dec. II. Lib. VI. alii.

r) Otto Frising. de gestis Frider. I. Lib. II. cap. 31. ad an. 1156. vnde euident est, vtrumque imperatorem, reponendi Boritii in regnum causa, foedus, aduersus Geyssam II. regem iniisse. Conf. Cinnam. Lib. III.

k) Otto Frisingens. l. c. ad an. 1156. Non longe ante haec tempora, Graecorum Princeps, cum Boritio, contra Vngaros, copias mittens, magnum sui detrimentum accepit exercitus, in tantum, ut & Boritius, a quodam, qui secum venerat, Romano, qui & Scythia, sagitta transfixus necaretur.

eum, omnes in partes trahebant, licuisset, dedisset, sine dubio operam, vt Vngaros sibi imperioque reddidisset obnoxios. Obstabant tamen Principes imperii, animumque eius, a laceffenda armis gente innocente, & ad imperium non pertinente, prudenter auerterunt (l). Mox quoque Fridericus, ad plura bella curas debuit distendere. Quod vero nihil iuris in Apostolicum habuerit regnum, discas, ex scriptore illius aetatis, qui expeditionem eius, aduersus Saracenos, iterque per Vngariam factum, describit (m).

§. XI.

Taedet omnia commemorare, ad quae se recipiunt, qui, Vngariam, cum sacro Romano Germanico imperio, vinculo fiduciario copulant. Obiiciunt, inter reliqua, post Borichium, Stephanum, & mox Ladislaum etiam Principes, fratrem suum Geysam, apud imperatorem detulisse, quod asperius in se imperium exerceret,

l) Otto Frising. de gestis Frider. I. Lib. II. cap. 6. ad an. 1156. vbi perhibet, Fridericum voluisse Vngaris bellum indicere, ipsosque ad monarchiae apicem reducere. Caussae latentes, ob quas consensum ordinum imperii, teste Ottone l. cit. habere non poterat imperator, facile possunt ostendi. Reposuerunt scilicet nouo regi Principes, nihil sibi iuris in Vngariam competere, caussamque & casum Borichii, non magis ad imperium pertinere, quam ad Poloniam, Graecosque.

m) Legas Friderici I. imperatoris expeditionem Asiaticam ab aequaeuo auctore conscriptam, apud Canisium T. III. lectionum anti-

ceret, remediumque ab eodem expetiisse (n). Vtinam iterum recogitassent, penitiusque expendissent, querimonias tantum fuisse, imperatoremque sollicitè praecauisse, ne suspectum se quadam ratione redderet, ac si quid potestatis in Vngariam sibi vindicasset (o).

I 3

Au-

antiquar. & apud Vrsitium Scriptor. rerum German. T. III. epistolam, de hac expeditione. Conferenda quoque sunt, cum his, quae Otto Frising. de gestis Frider. I. Lib. I. cap. 43. Wub. Tyrius Lib. 16. cap. 19. de expeditione Conrad III. in orientem, tradunt. His enim ex monumentis, luce meridiana clarius est, reges hos, nihil potestatis in Vngariam habuisse.

- n) Legas Radevic. de rebus gestis Frider. I. Imper. Lib. I. cap. 12. Is (Stéphanus) hoc compertum habens, quod Romanum imperium, totius orbis esset asyllum, fugiens, ad imperatorem, euasit, aerumnasque suas - deplorauit - iniquissimum esse, quod fratri non sufficeret, paterno eum regno expulisse, nisi de capite quoque suo - supplicium sumeretur. Idem ad an. 1164. Chron. Claustr. Neoburg. ad an. 1161. Desumunt hinc iterum noua tela, aduersus nos, quibus contra ire non dubitamus, Struue l. cit. Período VII. Sect. I. §. 14. Io. Petrus Ludwig. l. cit. & alii. Sed recogitassent paullo diligentius causam, qua Radeuicus, Stephanum impuissum esse scribit, ad auxilia a Friderico expetenda: Quod Romanum imperium totius orbis esset asyllum. En causam, quae Christianos Principes impellebat ad id, vt, in rebus dubiis periculosisque, receptum ad imperatores Romanos facerent. vid. Radeuic. l. cit. ad an. 1164. Chron. claustr. Neoburg. ad an. 1161.

- o) Exponit rem candide Radevic. de reb. gestis Frider. Lib. I. cap. 12. Tali deprecatione permotus Fridericus, missis in Vngariam legatis, de restitutione iuuenis cogitabat, imperialem preci-

Audita inspectaque re, suspensa omnia debuit relinquere. Fecit vnum, quod potuit: misit scilicet Principes hos in Graeciam, remque eorum imperatori orientis commendavit efficacius (p). Exciderunt tamen hic quoque scopo, quem sperauerant, & alias aditum ad solium Vngaricum quaerere debebant (q).

§. XII.

Si quid vmquam iuris sacrum Romanum Germanicum imperium, post Petri fata, in regnum Vngariae na-

precibus adiungens dignitatem & auctoritatem. Conf. Anon. in Chron. Bobem. apud Mencken. cap. 66.

p) Radevic. l. cit. Itaque, rogatus (Fridericus) ab adolescente, per Venetias, illum transfinit in Graeciam. Chron. claustr. Neoburg. ad an. 1161. Cinnam. Lib. III. ad finem, Nicet. Choniates annal. Lib. IV. & Lucius Lib. III. cap. 9.

q) Post excessum Geysae regis, frater eius, emoto Stephano III summam rerum rapuit, hocque, post breue tempus, extincto, frater alter Stephanus, quem nostri IV. vouant. Rem nostri perplexe tradunt, & ipse Vimom alias accuratus; quare legendus erit P. Pray, qui rem totam in planum deducit, pag. 146. seq. Stephanus IV. qui Mariam Isaaci, fratris Manuelis duxerat in matrimonium, Stephanum III. imperio priuare volebat. Cur non successerit, Nicetas Choniates annal. Lib. IV. exponit. Hungari, inquit, ad primum auditum, a Stephano (IV. fratre Geysae & Ladislai) abhorruerunt, & nomen eius aegre tulerunt, eum se cum ob alia repudiare asserentes, tum quod Romanam uxorem duxisset. Minime enim e re sua esse, virum admittere, Romanorum imperatori affinitate iunctum, vereri se, ne Hungari, suo regi, rex vero imperatori Romanorum pareret.

naſtum fuiſſet, eueniſſet id certe Bela IV. tam ſecundis, quam aduerſis rebus memorabili, regni habenas tenente. Incidit quippe princeps hic immortalis, in ea tempora infeliciffima, quibus, Tatari crudeles, proſtrata protritaque magna orbis Chriſtiani parte, exſpectatione citius in Vngariam ſe infuderunt. Non pugna erat, ſed trucidatio miſerabilis Vngarorum, cum anno 1241. armis concurreretur, apud flumen Saio. Clade hac fatali, tantam periculorum molem ſibi Vngari conſcuerant, vt, quam ratione, regnum, quod pro deperdito habebatur, vindicare, &, quod reliquum habebat prouinciarum Bela, conſeruare poſſet, non viderent (r). Diſiecti namque Vngari, ſine certo dūce, ſine ſignis, ordineque ac imperio vagabantur, ad oramque maritimam, & montes ſe recipiebant. Vnum, quod ſuccurrebat, remedium, eo vergebat, vt, a ſummo Pontifice Romano & Imperatore, exercitus auxiliares, aduerſus nefandum Chriſtiani nominis hoſtem, expeteret Bela. Ea de cauſſa, miſit, ad eosdem, Vacienſem, qui ſuperſtes erat cladi, Pontifi-

r) Exponunt optime rem *M. Rogerius*, qui in tristem, apud barbaros, deuenerat captiuitatem, in *miſeratili carmine*, ſeu *hiſtoria ſuper deſtructione regni Hungariae apud Schvanna* rerum l. cit. T. I. p. 292. ſeq. *Thomas Archidiacon. Spalatenſ.* in *hiſtoria Salonitarum pontificum atque Spalatenſum* cap. 37. ſeq. Multa quoque memorabilia ad hoc argumentum pertinentia, deprehendes apud *Matth. Pariſienſ.* ad an. 1241. *Boguphal.* in *Chron. Polon.* apud *Sommersberg* l. cit. T. II. p. 60. ſeq. Ex domeſticis agunt hac de re in primis *Tim. & Pray* ad an. 1241. ſeq.

tificem Stephanum. Hic, quæ in mandatis acceperat, executus est fideliter, pleniusque omnia, quæ acta sunt, exponebat, & rem esse præsentiorē in Vngaria ostendebat. Verum, Fridericus Augustus, auribus magis, quam animis, ea accipiebat, quæ Stephanus in medium proferebat. Rediit quidem, ad regem suum spei plenus; ordines tamen bellicos, qui, eundem, sequi debebant, numquam vidit Vngaria (1). Summo hoc periculo compulsus rex Bela, fidem, ea lege, deferebat Friderico imperatori, ut, se, regnumque, liberaret a saeva gente Tatarorum. Elucet id ex compluribus monumentis, nullaque ratione vocari potest in dubium (1). Si leges pacificationis bellicosissimus imperator expleuisset, & Vngaria imperium auxisset, parum hoc ad gloriam nominis eius pertinuisset. Barbari enim hi, ad extirpandam rem Christianam consurrexerant, & Friderico imperatori, reliquisque regibus, non minus bellum indixerunt, quam Belæ regi, quem ad maritima loca retruserant. Proinde, ad extinguendum incendium

- 1) Legas Petrum de Vineis Lib. I. ep. 29. citatosque scriptores. Conferendi quoque erunt Chron. Austriac. & claustrii Neuburg. ad an. 1241. seqq.
- 2) Matth. Parisiens. ad an. 1241. p. 598. procuratum est, quod dominus imperator, ab irruptione hostili, & barbarica, potenter regnum Hungariae liberaret, ut scilicet dictus rex, regnum illud liberatum & pacificatum, ab ipso imperatore, & deinceps ab imperio teneret, quasi domino capiali. Ricbard. de S. Germano ad an. 1241. idem commemorat. In primis vero Petr. de Vineis, qui aulicus erat Frider. II. cancellariusque, Lib. I. ep. 30. rem clarissime tradit. Ecce enim, quod rex Hungariae, regnum nostrae ditioni subiecit, dum modo defensionis nostrae clypeo protegatur.

dium commune, vndique Christianos concurrere oportebat. Perspexit hoc, qui, hac tempestate, sacrum per orbem Christianum, tenebat imperium, ostenditque, vere non minus, quam grauiter, nullam remunerationem imperatorem expetere potuisse, etiam si barbaros hos, armis victricibus, Vngaria eiecisset. (u). Habuisse imperatorem in expedito integras copias ad debellandos barbaros, omni caret dubietate.

§. XIII.

Liberasse Fridericum, Vngaros, a foeda tyrannide Tatarorum, vnicus non nisi, quantum recorder,

K

aeta-

- u) Recitat litteras has ex Raynaldo ad an. 1245. P. Pray p. 280. in quibus haec legas: quia, praedictus Fridericus, ad id (depugnandos Tataros:) sicut Christiani ceteri, dilante hoc natura, cuiuslibet, tenebatur, cet. Agnouisse id videtur ipse Fridericus, & propterea litteris ad Angliae regem datis, excitat eundem, ut rei Christianae opem ferat auxiliumque, aduersus hostem Christiani nominis, ad an. 1241. p. 558. sic ad liberationem Christianitatis accingantur nobiscum -- ut contra hostes Germaniae, terminos iam ingredi proponentes, velut Christianorum ianuam, viribus aggregatis, victoria valeat obtineri. Prouideat ergo excellentia vestra, & cum communes inimici, in vicinis regionibus debacchantur, ad resistendum eis consulatis. Et, in epistola ad regem Belam data, apud Petrum de Vineis Lib. I. ep. 29. ita Fridericus: quia vero, pridie auditis rumoribus, nationes barbaricae Tartarorum, quod regnum Vngariae subitis aggressionibus iniudendum: ad haec prompta exposita voluntate, velut, qui cum proprio suadente negotio, tum totius Christianitatis subsidio, & tuitione Catholicae fidei requirente, ad quam tuendam, ex commissis nobis imperialis officii dispensatione, tenemur, & debemus, inimicis fidei Christianae totis viribus obuiare.

aetatis huius commemorat auctor. Est is gravissimus alias Matthaeus Parisiensis, qui, ad an. 1244. haec suos in annales retulit: *misso-innumerabili exercitu, imperator, regnum memoratum, non sine magnis sumptibus & periculis, ab inhumamis, Tartaris liberauit, & eosdem, procul a finibus regni potenter & prudenter eliminavit. Et paucis interiectis: igitur, liberato regno Vngariae & regi pacifice restituto, subiecta facta est Vngaria imperio, & obligata in 300. militibus, & eorum sequela imperatori, in consiniis pugnaturis fideliter exigendis.* (x). Haec, si vera sunt, sibi, imperioque obnoxiam reddidit Fridericus Vngariam. Sed, in saluo est libertas Vngarica. Surrepsisse enim haec Matthaeo non difficili opera potest probari. Primum enim, ipse sibi non constat, & quae hic tradit, alibi subuertere videtur (y). Deinde, habemus oculos eorum, quae Tatari in Vngaria gefe-

x) *Ad an. 1244. Burch. Gotth. Struue l. c. P. VII. Sect. VI. §. 2. Creuit, inquit, inter haec, maiestas imperatoris. Bela enim rex Vngariae, a Tartaris nimium agitato, atque ex regno pulsus, auxilium anno 1244. petiit ab imperatore, ab eodemque restitutus, Vngariam, imperio subiecit. Io. Petr. Luduig. in rechtlichen Erläuterungen l. cit. in vita Friderici II. §. 103. Die ungarischen Scribenten wollen sich auch hier noch nicht geben, sondern meinen, daß dieses keine Unterwerfung, sondern ein foedus inaequale gewesen. Struue l. cit. scribit, tacere, hac de re scriptores Vngaricos. Bonfin. Dec. II. Lib. 8. perhibet, Bela ab imperatore auxilium petiisse. Vtrumque concedo.*

y) *Ad an. 1243. p. 561. qui (Tatari) etiam Cumanis sibi conterminis & confederatis - regem Vngariae, cum quibusdam magnatibus expugnarunt, ut fatigatus rex ad alas imperato-*

serunt testes, qui contrarium perhibent. Et primas quidem iure deferimus, Rogerio, a barbaris, detestandum in modum exagitato, miraque DEI cura, eorum ex manibus sanguinariis, erepto (x). Post hunc, plurimum valebit auctoritas Archidiaconi Spalatensis, qui spectator erat calamitatum, quibus totam compleuerant saevi barbari, Vngariam (a). His adiungendus vicinus auctor, qui abscessum hunc barbarorum, etiam ad posteritatem litteris commendauit (b). Si quid adhuc esset dubietatis, id litterae regis eximerent, quibus queritur, quod frustra tantum in discrimen adductus, a Pontifice & imperatore auxilia expetierit (c).

K 2

§. XIV.

ris auolaret, homagium ei, pro succursu impendendo, facturus. Unde, cum hoc fieret ipsi sunt regressi.

- z) Legere nequis, lector Christiane, quin in lacrimas soluaris, auctoris huius, prouida DEI cura, ex faucibus barbarorum, educti, carmen lugubre, quod inter scriptores rerum Vngaric. Schwandn. T. I. deprehendes. Huc in primis faciunt, quae cap. vltimo commemorat.
- a) *Archid. Spalatens. cap. 40.* exponit, quas per regiones se in orientem receperint.
- b) *Chron. Neuburg. ad an. 1243.* Tartari & Comani, nemine resistente, & occurrente, recesserunt ab Vngaria, cum infinita praeda auri & argenti, vestium, animalium, cet. Conf. quoque *Anonym. Leobiens. Lib. I. Chron. Austriac. & Paltram, seu Vatzon. Consul. Vindob. Chronic. ad h. an.*
- c) Adfert instrumentum ex Raynaldo. P. Pray l. cit. p. 302. in quo Pontifex haec inter reliqua: quod licet olim regno tuo saeua Tartarorum rabe laceffito, tu, ut populi tui reliquiae saluae forent, a felicitis recordationis Gregorio Papa, praedecessore nostro, contra eosdem Tartaros, peruenerab. fratrem nostrum, scilicet tunc Vaciensem - - Episcopum auxilium postu-

§. XIV.

Licet vero nihil, occasione hac, Fridericus, in Vngariam, sit consecutus iuris: rex tamen Bela, quidquid in malam accipi poterat partem, dispellendum esse iudicabat. Ne ergo, ex pactione, cuius leges numquam expleuit imperator, seu is, seu successores, aliquid potestatis, in regnum Apostolicum sibi tribuerent: ad Pontificem se Romanum conuertit, rogabatque eundem, enixissime, ut nullam eandem esse pronunciaret. Fecit id, pro auctoritate summa, quam eidem orbis Christianus deferebat, Innocentius (*d*). Turbae, quae, post Friderici excessum, Germaniam occupauerant, & in diuersas trahebant curas studiaque, non permittebant, vt, de adferenda Vngaria imperio serio cogitarent (*e*). Inuenti quidem sunt nonnulli principes, qui; rem, ad comitia imperii, anno 1556. retulerant,

&

postularis, idem praedeccessor, quasi tuae, ac patrum tuorum clarae deuotionis oblitus, stragi populi tui, etiam verbo compati noluit, nedum factu, cet.

- d*) Recitat litteras ex Raynaldo, Pray l. c. p. 280. Attendentes, inquit, quod quoties aliquid sub conditione, conceditur, non exstante conditione, perinde ac si concessum non fuerit, sit habendum. Et paullo post: te huiusmodi iuramento, & bomagio, de fratrum nostrorum consilio denunciamus auctoritate praesentium, non teneri: ita, quod hac occasione, nihil in te, vel tuos successores, aut regnum, possit ab aliquo ullo umquam tempore vindicari.
- e*) Io. Petr. Ludovig. in German. Princ. Lib. II. cap. 2. p. 49. Verum enim vero, hanc tamen imperii clientelam Germania deinceps amisit derelinquendo. Sed, non erat necessum derelinquere, quod numquam iuris fuerat Germanici imperii.

&, in iisdem, de adiicienda imperio Vngaria, cuius
 partem magnam Turcae rapuerant, partem, imperato-
 res regesque Vngariae prouidentissimi, auxilio Germa-
 norum, tutabantur, consilia inire volebant. Occurrit
 tamen consiliis his egregie imperator Augustus, osten-
 ditque, Vngariam, sui iuris semper fuisse, permane-
 reque debere (f). Non poterant id negare ordines
 imperii, & hoc ex tempore, numquam ausi sunt, sa-
 cro Romano Germanico imperio aliquid in eam tribue-
 re potestatis.

C A P V T III.

QVO OSTENDITVR SVMMVM TVR-
 CARVM PRINCIPEM NIHIL VMQVAM PO-
 TESTATIS IN REGNVM VNGA-
 RIAE HABVISSE.

§. I.

Turcarum gentem ferocem, plurimum Vngariae
 adtulisse detrimenti, notius est, quam vt multis
 hic illud commemorare sit necessum. Non solum enim
 valida opulentaque saeculo XV. & sequentibus, ab illo,
 auulserant regna & prouincias (g); sed etiam maiorem

K 3

ipsius

f) Legas *Rec. Imperii an. 1566.* §. über voriges haben
 uns unsere Churfürsten, Fürsten etc.

g) Bulgariam enim, Seruiam, Bosniam, Moldauiam at-
 que Valachiam occuparunt, hucdumque detinent, cum
 notabili Dalmatiae & Croatiae parte; Transilvania ve-
 ro atque Slauonia, nostra, patrumque nostrorum
 aeta-

ipſius Apoſtolici regni partem ſub duram miſerant tyrannidem (b). Numquam tanta vulnera rei Chriſtianae gentique Vngaricae infixiſſent: ni Ioannes de Zapolya Tranſilvaniae adminiſtrator, inſatiabili honorum cupiditate accenſus, iniuſtam, apud Vngaros, adhuc ante cladem Mohacſianam, quaefuiſſet maiestatem.

§. II.

Poſt fatalem Ludouici II. regis occaſum, ſumma rerum ad Ferdinandum I. eiufque vxorem Annam, vnicam regni Apoſtolici haeredem, deferenda erat (i). Agnouerunt id proceres regni, Joannem de Zapolya ſi excipias, & paucos eius familiares, qui, ad res nouandas animum adiecerant (k). Auſi hi ſunt Coryphaeum ſuum, Joannem, regem renunciare. Qui, quum nec armis, nec iure, ſe, aduerſus legitimum regem Ferdinandum tueri potuiſſet, in fidem clientelamque Soly-

man-

aetate, ſunt depulſi, id quod ex hiſtoria Vngariae euidentius eſt.

- b) Subactis Buda, Strigonio, Caniſa, Viuarino, procurſiones faciebant verſus Auſtriam atque Morauiam, & deplorandam Vngariae inferebant vaſtitatem.
- i) Complura erant, quae Ferdinandus in regnum Vngariae habebat iura, a matrimonio eius cum Anna ſore Ludouici initio, paſſionibusque annis 1463. & 1515. procuratis deriuanda, id quod iam ſupra Cap. I. §. 9. lit. p. monuimus.
- k) Erant enim a patre Ferdin. regis, Stephanus Bathori prorex, nouus Strigoniensis Pontifex, Alexius Thurzo, & quamplurimi primores regni. Diſcas id ex Nicol. Iſtuaniſſio Lib. IX. Petro de Reua de monarchia & corona ſacra regni Hungariae cap. VI. & aliis Scriptoris Vngaricis.

manni sumpti Turcarum principis se conferebat, eiusque patrocínio, & armis, regnum Vngariae, sub suam redigere volebat dominationem. Solymanus, quo vix alter Princeps Turcicus, plus ciuitati Vngaricae adtulit intertrimenti, magnam quidem partem Vngariae ab imperio Ferdinandi legitimi regis abstraxit: hac tamen ferocia nihil in regnum Vngariae iuris est consecutus. Quae enim Joannes, Vngarorum parti obtrusus, Solymanno promittebat, ea Ferdinandus rex legitimus, & qui post eum, plurimum auctoritate valebant, condemnabant (1).

§. III.

Licet vero Ferdinandus I. cum aduersario hoc acerrimo, anno 1538. pacem inierit, eademque titulum regis Vngariae, quo aseculae pridem eundem decorauerant, concefferit: exinde tamen non confit, Ferdinandum Turcarum principi aliquid potestatis in Vngariam concessisse. Notandum enim est, regem sapientem, Joanni soli, excluso haerede, quo adhuc carebat, honores summos, ea lege reliquisse, vt, a Turcarum fide recederet, & communem aduersus hostem Christianorum causam ageret. Fecit id propterea rex immortalis, ne quid iuris sibi in Vngariam Turca ex vitioso foedere cum Joanne percusso, excreuisset diceret (m).

§. IV.

1) Istuanff l. cit. & legatio Hieron. Laski in adparatu Beliano ad bist. Vngar. Dec. I. Monum. IV.

m) Recitant leges transactionis breuiter Nicol. Istuanff. Petr. de Reua l. c. alii,



§. IV.

Exstincto Ioanne, totus in eo erat hostis hic ferox, vt regnum Vngariae, sui iuris reddere, eidemque suum praeficere potuisset clientem. Et licet tributo interdum Vngari pacem redimere debuerint: qui tamen, per id, imperii partes aliquas, Vngaros in hostem hunc transfulisse, concludere vellet, laberetur turpiter. Tirionibus enim iuris naturae atque gentium notum est, non quauis pactione imperii partes, quae penes Principem sunt, deminui transferrique in gentem, cui tributum est dependendum (n).


§. V.

Qui Ferdinandum I. in imperio, apud Vngaros, exceperunt, numquam non totis in eo elaborabant viribus, vt Maiestatem regni Vngariae aduersus Turcas tutari vindicareque potuissent. Non semper consiliis conaminibusque respondit euentus. Mox enim hostem depellebant ex agris, oppidis, vrbibusque nonnullis Vngariae, mox cedere, quae recuperauerant, cogebantur, donec Leopoldus, & gnatus eius Carolus VI. magni imperatores, barbarum profligarent, totamque Vngariam, Transiluaniam & Slauoniam, in pristinam reponerent libertatem, redderentque florentiores.

n) Legas *Istuanff.* l. cit. *Lib. XVI. p. 270. seq. & artic. decretales anni bujus, 55. & 56. artic.*



005664506



EB

